

ეკისკოპოსი კირიონი

ღიბსი სფეტანე და მის მიერ
დაატსემული სიტსის მტნასცეტი

გამოიცა მადალყოვლადსამცედელო
რუსთველ მიტროპოლიტ ათანასეს
ლოცვა-კურთხევით

რუსულიდან თარგმნა, შესავალი წერილი და
შენიშვნები დაურთო
დეკანოზმა მიქაელ ჭაბაშვილმა

თბილისი
1998

უძღუნება სრულიად საქართველოს კათოლიკოს-პატრიარქ კირიონ II-ის გარდაცვალების 80 წლისთავს.

ეპისკოპოს კირიონ საძაგღიშვილის (სრულიად საქართველოს კათოლიკოს-პატრიარქი 1917-1918 წ.წ.) "ღირსი სტეფანე და მის მიერ დაარსებული ზირსის მონასტერი" უნდა გამოქვეყნებულიყო კრებულის "ვეს კავკაზ" №2 ნომერში, მაგრამ იმის გამო, რომ 1904 წელს შეწყდა მისი გამოცემა, ამ ნაშრომმა მკითხველამდე ვერ მიაღწია. ვფიქრობთ, ცნობილი ხაეკელისო მოღვაწისა და დიდებული მამულიშვილის ამ ნარკვევის გამოცემა ძვირფასი საჩუქარი იქნება კირიონ II-ის ხსოვნის პატივისცემელთა და საქართველოს ეკლესიის ისტორიის საკითხებით დაინტერესებულ პირთათვის. იგი მკითხველთა უარყო წრესაც დიდად დააინტერესებს.

ნებადართულია საპატრიარქოს გამომცემლობასთან არსებული სარეცენზიო საბჭოს მიერ.

ეპისკოპოსი კირიონი და მისი ნაშრომი “ღირსი სტეფანე და მის მიერ დაარსებული ხირსის მონასტერი“

რვა ათეული წლის წინათ, 1918 წლის 27 ივნისს, მარტყოფის მონასტერში დასასვენებლად მყოფი სრულიად საქართველოს კათოლიკოს-პატრიარქი კირიონ II თავის ოთახში მოკლული იპოვეს. დეკანოზმა ნიკიტა თალაკვაძემ კირიონის დაკრძალვაზე წარმოთქმული სიტყვა ასე დაამთავრა: “...ჭაღარა სიონის ტაძარში მივაბარებთ შენს ნეშტს მშობელ მიწას. აქ დაისვენე და განისვენე, დამაშვრალო! აქ მაინც აღარ იქნები “განმარტოვებული,” აქ მუდამ სინანულის ცრემლებს დავაფრქვევთ შენს წმიდა საფლავს. შენც, უწმიდესო მუუფეო, აქედგან თვალყური გვაღვენე. არ დაგვივიწყო, არ დაგვწყველო, არ შეგვაჩვენო! პირიქით, შენებურად, დიდსულოვნად შეავედრე ჩვენი ეგზოში დაცოდვილება სიონის ღვთისმშობელს, წმიდა ნინოს და ჩვენს ნათლით მოსილ წინაპართ.

შეგცოდეთ – შეგვინდევ და გვაპატიე, ჩვენო დაუვიწყარო მამამთავარო!”

ეს სიტყვები მთელი ქართველი ერის ნაცვლად ნათქვამი სინანულის სიტყვები იყო ქვეყნისათვის ფრიად დამაშვრალი მამულიშვილის მუხანათური მკვლელობის გამო.

* * *

კირიონ II (გიორგი საძაგლიშვილი) დაიბადა 1855 წლის 10 ნოემბერს სოფ. ქვემო ნიქოზში დეკანოზ იერონიმე მოსეს ძე საძაგლიშვილის ოჯახში. მამა, შესანიშნავი მოძღვარი და მოქადაგე, მსახურობდა მთიულეთში მისიონერად. მას დიდი ღვაწლი მიუძღვის ქართველ მთიულთა და ოსთა კულტურულ-საგანმანათლებლო გათვითცნობიერების საქმეში. კირიონის წინაპრებს დიდი წვლილი აქვთ დიდოელთა, ინგუშთა შორის ქრისტიანობის გავრცელებაში.

კირიონმა პირველდაწყებითი განათლება მიიღო ანანურის საეკლესიო სკოლაში, რომელიც მამამისმა დააარსა. 1862 წელს სწავლა გააგრძელა გორის სასულიერო სასწავლებელში. 1876 წელს წარჩინებით დაამთავრა თბილისის სასულიერო სემინარია. 1880 წ. კიევის სასულიერო აკადემია დაამთავრა ღვთისმეტყველების კანდიდატის ხარისხით. ამავე წელს დაინიშნა ოდესის სასულიერო სემინარიის ინსპექტორის თანაშემწედ. 1883 წლიდან მსახურობდა თელავის სასულიერო სასწავლებელში. სხვადასხვა დროს ასწავლიდა გორისა და ქუთაისის სასულიერო სასწავლებლებში, თბილისის სასულიერო საქალებო საეპარქიო სასწავლებელში. ცოლ-შვილის

სიკვდილის შემდეგ, 1896 წელს აღიკვეცა ბერად და ჩააბარეს ქვაბთახევის მონასტერი. 1898 წ. აკურთხეს ალავერდის ეპისკოპოსად. 1901 წელს დანიშნეს გორის ეპისკოპოსად. რუსეთის სასულიერო მთავრობამ იგი 1902 წელს კამენეც-პოდოლსკის ეპარქიაში გაგზავნა. 1903 წ. გადაიყვანეს ხერსონში, 1904 წ. – ორიოლის ეპარქია ჩააბარეს. 1906 წ. სოხუმის ეპარქიის მღვდელმთავარია. 1907 წ. 27 იანვარს კვლავ რუსეთში – კოვნოს ეპარქიაში გადაჰყავთ, საიდანაც 1908 წ. დაითხოვეს ეპარქიის მართვის უფლების გარეშე. მას ბრალს სდებდნენ ეგზარქოს ნიკონის მკვლელობაში, რის გამოც სამეთვალყურეოდ პოლიცია მიუჩინეს. 1915 წ. მეუფე კირიონს ნება დართეს ვიტებსკისა და პოლოცკის ეპარქია ემართა. მან დიდად იღვაწა საქართველოს ეკლესიის ავტოკეფალიის აღდგენისათვის. 1917 წლის 8-17 ოქტომბრის საქართველოს საეკლესიო კრებამ კირიონი კათოლიკოს-პატრიარქად აირჩია. 1917 წ. 1 ოქტომბერს სვეტიცხოველში იგი საზეიმოდ აკურთხეს ავტოკეფალია აღდგენილი საქართველოს ეკლესიის საჭეთმპყრობელად.

* * *

უწმიდესი და უნეტარესი კირიონ II ნაყოფიერ სამეცნიერო მოღვაწეობას ეწეოდა. «Полный православный богословский энциклопедический словарь» ცალკე სტატიას უთმობს მას, რომელშიც ნათქვამია: «Кирион-епископ, церковный историк и археолог Грузии и духовный писатель». კირიონი 1899 წლიდან არჩეული იყო მოსკოვისა და კიევის არქეოლოგიური საზოგადოების წევრად, თანამშრომლობდა “მწყემსში,” “ივერიაში,” “მოამბეში,” “ნოვოე ობოზრენიეში,” “ტიფლისსკი ლისტოკში,” “ზაკაკაზსკი ვესტნიკში,” “ვეს კაკაზში.” წერდა ფსევდონიმებით: “საძაგელოვი-ივერიელი,” “ივერიელი,” “ნიქოზელი,” “ბ. ლიახველი,” “E. K.” აქვეყნებდა ლიტერატურულ, საენათმეცნიერო, კრიტიკულ სტატიებს, რომელთაგან აღსანიშნავია: “ძვირფასი ხელნაწერი მეტეხის ოთხთავისა,” “აპოკრიფები საზოგადოდ და ქართული განსაკუთრებით,” “ახალი ვარიანტი ვეფხისტყაოსნისა,” “მღვ. მ. თამარაშვილი და მისი შრომა “ისტორია კათოლიკობისა ქართველთა შორის,” “უცხო ტომთა სიტყვები ქართულს ენაში,” “ქართველი ხალხის სიბრძნის ნიშნუები,” “მუშანიკის წამების თაობაზე.” ავტორია ნაშრომებისა: “წმ. ანტონი, მესვეტე მარტყოფელი,” “წმ. აბო, თბილისის მოწამე,” “დავით გარეჯელი და მისი ლავრა,” “გიორგი მთაწმინდელი, როგორც სასულიერო პიიტიკოსი,” “წმ. თამარ დიდი და მისი სახელწოდება,” “წმ. დავით IV აღმაშენებელი, მეფე საქართველოსი.” განსაკუთრებით მნიშვნელოვანია მისი წიგნი “ივერიის კულტურული როლი რუსეთის ისტორიაში.” გრ. ყიფშიძესთან ერთად ავტორია “სიტყვიერების თეორიისა.”

* * *

კირიონი და მის გარშემო შეკრებილი განათლებული ქართველი სამღვდელთა აშკარად გამოხატავდა უკმაყოფილებას ქართული ეკლესიის ავტოკეფალიის გაუქმებისა და ქართული ენის დისკრიმინაციის გამო, რისთვისაც მთავრობამ იგი რუსეთში გაგზავნა მსახურებისთვის და ხშირად უცვლიდა ეპარქიებს. ამის შესახებ მ. თამარაშვილი აღნიშნავს: “წმ. სინოდმა შეამბოხებ ცნო ყველა, ვინც კი მონაწილეობა მიიღო ქართული ეკლესიისათვის დამოუკიდებლობის მოთხოვნაში და მოთავენი დაუსჯელად არ დატოვა. მან განსაკუთრებით ჯავრი იყარა ამ ეკლესიის დამოუკიდებლობის მოთხოვნის მოთავეებზე. თავდაპირველად სამშობლოდან რუსეთში გააძევა ქართველი სწავლული ეპისკოპოსი კირიონი, ეგზარქოსის ყოფილი ქორეპისკოპოსი, ხოლო შემდეგ გამოგონილი სხვადასხვა ბრალდებების საბაბით იგი რუსულ მონასტერში გამოკეტა.”¹

კირიონის სამშობლოსთან განშორება 1902 წელს მოხდა. იგი განაწესეს კამენეც-პოდოლსკის ეპარქიაში. უცხოეთში მყოფი ეპისკოპოსი თავის ახალ სამყოფელს “ჯანაბეთს” უწოდებს. აქ იგი 1903 წლის გაზაფხულამდე ამსახურეს. შემდეგ კი ხერსონში გადაიყვანეს.

კირიონის ხერსონში მოღვაწეობის შესახებ ცოტა რამ ვიცით. როგორც დეკანოზ იოსებ ჩიჯავაძისადმი 1903 წ. 16 მაისს მიწერილი ბარათიდან ვგებულობთ, მას ახალ ადგილზე დანიშნა 13 მაისს შეუტყვია. აი, რას წერს იგი:

“მამაო წმიდაო!

ამ თვის 13 მივიღე უქაზი სინოდისა, რომლიდანაც გავიგე, რომ გადაყვანილი ვარ ხერსონის მეორე ვიკარნად. მე მგონი ვიცხოვრებ ხერსონში. ჩემთვის იქ გაცილებით სჯობიან.”²

დანიშნულების ადგილზე შეუფე ივნისს ჩაბრძანებულა. მგზავრობისა და დახვედრის შესახებ იგი მამა იოსებს 1 ივლისს გაგზავნილი ბარათით ატყობინებს:

“მამაო წმიდაო!

მშვიდობით ვიმგზავრე. გზიდგანვე შევატყობინე ჩემს ამხანაგს ბოგოიავლენსკის ჩემი მოსვლის დღე. ოდესის მთავარეპისკოპოსს იუსტინეს განკარგულება მოეხდინა, — კარეტა გამოეგზავნა დასახვედრად ვაგზალზედ და თავის სახლში მოემზადებინა ჩემთვის

¹ მიხეილ თამარაშვილი, ქართული ეკლესია დასაბამიდან დღემდე, “კანდელი”, თბ., 1995, გვ. 451.

² ქ. კეკელიძის სახ. ხელნაწერთა ინსტიტუტი, კირიონის პირადი ფონდი, ხელნაწერი №406, ფ. 16.

ბინა. ისრე მიმილო იუსტინემ, რომ მეტი არ იქნება. დიდის პატივის ცემით და თანაგრძობით მომექცა. ოდესაში სამი დღე დავრჩი და 17ს საღამოს ცხრა საათზედ გამოვემგზავრე ხერსონისკენ. 18ს დილის ექვს საათზედ აქ ვიყავი. ნავთსაყუდელზე დამხვდნენ: სამღვდელთა, ნავთსაყუდელის უფროსი (დიდი ბობოლა) და ადმინისტრაცია. შინ მისვლისას ვაპირებდი გუბერნატორის ნახვას, მაგრამ მან დამასწრო და მე მხოლოდ მაშინვე სადარბაზოდ ვიყავი მასთან. კარგი ქალაქია, მხოლოდ ციებ-ცხელება ეცოდინება, რადგანაც დნებრის ნაპირებზედ დიდ მანძილზედ არის ატეხილი ლერწამი. მთავარ ეპისკოპოსმა იუსტინემ მე ჩამაბარა ორი სასულიერო სასწავლებელი (ხერსონისა და ელისავეტოგრაფისა) და ყველა აქაური დაბალი და საშუალო სამინისტრო სასწავლებლები. პირველ ვიკარნის მარტო ერთი სასულიერო სასწავლებელი ჩააბარა.³

როგორც ჩანს, კირიონი ღირსეული პატივით მიუღიათ და მისი სამეცნიერო და პედაგოგიური მოღვაწეობის მცოდნე და დამფასებელ იუსტინე მთავარეპისკოპოსს თავისი მეორე ქორეპისკოპოსისათვის სკოლები და სასულიერო სასწავლებლები ჩაუბარებია.

ხერსონში გადასული კირიონი იწოდება ნოვომირგოროდის ეპისკოპოსად. ზემოთ მოტანილ წერილსაც ასე აწერს ხელს – კირიონი, ეპისკოპოსი ნოვომირგოროდისა. იგი საეპარქიო სახლში დაბინავდა. წლიურად მისი შემოსავალია ჯამაგირი 1300 მან, “1000 მანეთამდენაც საიჯარო ფულიდან და წვრილი სტატიებიდან.”⁴


ახალ ადგილზე ქორეპისკოპოს კირიონს მრავალი საქმე ჰქონდა. იგი გულმოდგინედ ასრულებდა თავის მოვალეობას. გარდა წირვა-ლოცვისა, სამრევლო ეკლესიებისა და სასწავლებლების შემოვლისა მეუფე სამეცნიერო მუშაობასაც აგრძელებდა. ხერსონში ხელი მოჰკიდა წიგნის «Пятьдесятiletие основания викариатства в Херсонской епархии (1853-1903 г.г.)» შედგენას. მისი თქმით, ორასგვერდიანი წიგნი კარგი გამოსულა. მასში ჩართული ყოფილა ხერსონის ეპარქიის ყველა ქორეპისკოპოსის სურათი. “იუბილეი ჩემს აქ გადმოყვანამდე იყო, მაგრამ რადგანაც ჩემს მოადგილეს ამის თავი არა ჰქონდა მე მოვკიდე ხელი და კარგა შრომაც მომიხდა. მაგრამ არა უჭირსა, ყველგან ვეცდები ქართველ კაცს კარგი სახელი დაუშასხურო.”⁵ წიგნი 1904 წლის ზამთარში გაუსრულდება.

კირიონმა რუსეთში მრავალი ნაშრომი შექმნა. იგი თავს დასვენების ნებას არ აძლევდა, მშობელი ერისა და ეკლესიის სასარგებლოდ იღვწოდა. 1902 წელს დაწერა სტატია «Колонизация армян в Юго-

³ ხელნაწერთა ინსტიტუტი, კირიონის პ. ფ., ხელნ. №406, ფ. 16-17.

⁴ იქვე, ფ. 18.

⁵ იქვე, ფ. 23-24.



3. წმინდა იოანე მანგლელის საფლავი.



4. წმ. ნიკოლოზის კეკეღერი.

западной России, принятие ими унии с римскою церковью, колонизация их и полное слияние с католичеством». — ძალიან საინტერესო სტატიაა. თითქმის ერთი თვე ვაგროვე ამისთვის მასალა. რომ წაიკითხამ ცერცვისავით ხტუნვას დაიწყებ. ჯერ ვფიქრობდი პატარა სტატია დამეწერა და მართლაც ერთ თაბახამდე გამოვიდა. მუორედ გადავსწერე, გამოვიდა ორი თაბახი, მესამედ — ოთხი და ეხლა შვიდი თაბახი გამოვა,⁶ — წერს ი. ჩიჯავაძეს. კირიონი ყოველ ღონეს ხმარობდა, გაეცნო რუსეთისათვის საქართველოსა და მისი ეკლესიის უძველესი ისტორია, კულტურა და ადამ-წესები. იგი სისტემატურად ეცნობოდა ახალ სამეცნიერო აღმოჩენებს და იყენებდა მათ თავის ნაშრომებში. 1904 წლის 22 მარტს გამოგზავნილ წერილში ერთგულ მეგობარს დეკანოზ იოსებს სწერს: “აქამდის ჩვენი მატთანეს დასაწყისი ზღაპრად მიაჩნდათ, რადგანაც ნოეს შვილისშვილიდან იწყება, ახალი გამოკვლევა კი გვიმტკიცებს, რომ ჩვენი წინაპარნი ქალღუ, ქართუ უძველესი კულტურული ხალხია დედამიწაზედ. მათ ქრისტეს დაბადებამდე 6000 წლით ადრე უცხოვრიათ ტიგრის და ეფურატის შუა და, მაშასადამე, თვით პირველი კაცი ადამი, შექმნილი 5058 წ. ქრისტეს დაბადებამდის, ჩვენი შვილის შვილადაც აღარ გამოდგება. ამაზედ სტატიას ვამზადებ.”⁷

მისაბაძი ცხოვრებით, წმიდა სარწმუნოებითა და დაულალავი სამეცნიერო შრომით კირიონმა არა მარტო თანამემამულეთა შორის, რუსებშიც მოიპოვა სიყვარული და პატივისცემა. იგი შენიშნავს: “მეტის მეტი გაზვიადებული აზრი გავრცელებულა რუსეთში ჩემზედ, როგორც ისტორიკოსზედ და არხეოლოგზედ. განა მარტო სასულიერო წოდება, ყველა ვინცკი ბეჭდურ ნაწარმოებებს კითხულობს დიდის მოწინებით მექცევა. ამდენი შესძლებია, მაძაო, კალმის პატარა წვერს! მეც ვცდილობ დღე და ღამეს ვასწორებ, რომ მეტი საქმე გავაკეთო.”⁸ “მეტი საქმე” კი ნიშნავდა იმას, რომ 1902-1903 წლებში მას დაუწერია 58 წერილი და ოცდახუთთაბახიანი ოთხი სტატია.⁹ ასეთი თავდაუზოგავი გარჯით ცდილობდა გაებათილებინა არაკეთილმოსურნეთა მიერ გავრცელებული შეხედულება ქართველთა სიზარმაცის შესახებ. “იშრომეთ, სიზარმაცეს თავი არ მისცეთ. ქართველს ტყუილადა სწამებენ სიზარმაცეს. მაშ ვინ აავსო მთელი მცირე აზია მონასტრებითა და ხელნაწერებით?”¹⁰ — სწერს იგი დეკ. პოლიევქტო კარბელაშვილს 1902 წლის 26 სექტემბერს გაგზავნილ წერილში.

⁶ ხელნაწერთა ინსტიტუტი, კირიონის პ. ფ., ხელნ. №406, ფ. 10.

⁷ იქვე, ფ. 25.

⁸ იქვე, ფ. 4.

⁹ იქვე.

¹⁰ სცსსა, პ. კარბელაშვილის პ. ფ., №1461, საქ. 254, ფ. 3.

რუსეთში მყოფი ეპისკოპოსი კირიონი აქტიურად თანამშრომლობდა ცნობილ საზოგადო მოღვაწესთან და კავკასიოლოგთან ბორის სპირიდონის ძე ესაძესთან. 1902 წ. კამენეც-პოდოლსკიდან მან ბ. ესაძეს საყურადღებო სამეცნიერო სტატიები გაუგზავნა გამოსაქვეყნებლად. "რაც აქა ვარ, ესაძის კრებულისათვის შემდეგი სტატიები დაგამზადე და გამოგზავნე კიდეც: 1) Новый вариант творения А.С. Грибоедова «Горе от ума», 2) Христианство в Абхазии в первой четверти XIX в. и попытка организации в ней миссионерского дела в 1831-1834 годах, 3) «Жизнь и подвиги казбегского миссионера иеромонаха Виссариона Павленишвили» და 4) «Христианская система и ея влияния в древней Грузии»." პ. კარბელაშვილს კი სწერს: "ბ. ესაძეს სამი სტატია გამოგზავნე დასაბეჭდათ კრებულში. ერთი მათგანი ბესარიონზედ არის და ამ სტატიაში ჩვენ წინაპართა ძველ ჩვეულებათა მნიშვნელობის შესახებ მაქვს მსჯელობა. თუმცა "დეკანოზობაზედ" ისე ვერ დავწერე, როგორცა მსურდა, რადგანაც საჭირო მასალები (რაფ. ერისთავისა, ნ. ურბნელისა და სხვ.) არა მქონდა ხელში, მაგრამ, მიუხედავად ამისა, ბევრი საგულისხმიერო და ახალი აზრი არის გამოთქმული."¹²


ბ. ესაძე დაიბადა 1864 წ. 24 ივლისს. იგი იყო სამხედრო ისტორიკოსი, პოდპოლკოვნიკი. დაამთავრა ქ. ტვერის იუნკერთა საკავალერიო სასწავლებელი. 1882 წელს ჩარიცხეს ნოვოროსიისკის დრაგუნთა მე-7 პოლკში. 1909 წ. დაინიშნა ყარსის ოლქის სამხედრო გუბერნატორთან არსებული განსაკუთრებულ დავალებათა VII კლასის შტაბს-ოფიცრის თანამდებობაზე. 1910 წლიდან გაზ. "ყარსის" რედაქტორია. მისი ავტორობით და რედაქტორობით გამოვიდა კრებული "საქართველოს მატთანე" (ნაკვ. I, 1913, რუსულ ენაზე), რომელშიც გაშუქებულია ქართველი ხალხის ძველი, შუასაუკუნეების და ახალი ისტორიის და ყოფითი კულტურის ისტორიული საკითხები.¹³

ხერსონში ყოფნის დროს კირიონი არ წყვეტდა თანამშრომლობას ბ. ესაძესთან, ათავსებდა სტატიებს მის კრებულში. ი. ჩიჯავაძეს 1904 წ. 22 მარტს მიწერილ ბარათში სთხოვს: "თუ ბ. ს. ესაძე შეგხვდეს, ჰკითხე: როდის შეუდგება კრებულის ბეჭდვას? მინდოდა ჩემი სტატიების კორრექტურა მევე მეკისრა." აქ ნახსენები კრებული არის "ვეს კავკაზ," რომლის ერთადერთი ნომერი 1903 წელს გამოვიდა თბილისში. იგი 500 გვერდიანი იყო. ბოლოში დართული ჰქონდა 150 ფოტოსურათი და კავკასიის მხარის რუკა. მასში კირიონის

¹¹ ხელნაწერთა ინსტიტუტი, კირიონის პ. ფ., ხელნ. №406, ფ. 4.

¹² სცსსა, პ. კარბელაშვილის პ. ფ., საქ. 254, ფ. 4-5.

¹³ ბ. ესაძეზე ვრცლად იხ. ვ. წოწელია, ქართველი კავკასიოლოგები (ბორის და სიმონ ესაძეები), "საქართველო," თბ., 1992.



5.ღვთისმშობლის მიძინების ეკლდერი.



6.“მარცხნივ კი, ჩრდილოეთით, აგრეთვე ქვის საკერთხეულიანი ეკლდერი.”

რამდენიმე წერილია მოთავსებული: “ქრისტიანობის მღვდმარეობა და მისიონური საქმიანობის ორგანიზაციის ცდა აფხაზეთში,” “მცხეთის ტაძარი (სვეტიცხოველი) და მისი რესტავრაცია,” “ანანურის amhewra (საცეცხლე) – არქეოლოგიური ესკიზი,” “ქართული გადმოცემები, ცრურწმენანი, ხალხური დღესასწაულები,” “კავკასიური ლეგენდები, მითები და წეს-ჩვეულებანი და სხვა,” “ცეცხლთაყვანისმცემლობა კავკასიაში,” “ხალხური ადათ-წესები და მათი ძნიშვნელობა,” “ქრისტიანული სისტემა და მისი გავლენა საეკლესიო მიწათსარგებლობის ურთიერთობაზე ძველ საქართველოში,” “ქრისტიანული სისტემა და მისი გავლენა საქართველოში.”¹⁴

როგორც ვნახეთ, ბ. ესაძეს თავის კრებულში კირიონის მრავალი ნაშრომი გამოუქვეყნებია. ხერსონში კირიონი საგანგებოდ “ვეს კავკაზისათვის” რუსულ ენაზე წერს მეტად საინტერესო ნარკვევს “ღირსი სტეფანე და მის მიერ დაარსებული ხირსის მონასტერი”. ნეტარხსენებული მეცნიერის ეს ნაშრომი არსად გამოქვეყნებულა და ფართო მკითხველისათვის უცნობია. მისი ორი ავტოგრაფი – ერთი შავი და მეორე გადათეთრებული – ინახება საქ. ცენტრალურ სახელმწიფო საისტორიო არქივში, კირიონის პირად ფონდში (საქმე №11). ჩვენ არ ვიცით, როგორ აგროვებდა ამ ნარკვევისთვის მასალებს ავტორი, რამდენი ხანი მუშაობდა მასზე, მაგრამ შავი პირის თავფურცელზე არსებული მინაწერიდან «Для сборника «Весь Кавказъ», №2, за 1904 г.» ჩანს, რომ იგი სწორედ ბ. ესაძის კრებულისთვის იქმნებოდა და რედაქტორს გაეგზავნა 1903 წ. 31 დეკემბერს – «отпр. Борису Спирид. Эсадзе 1903 года 31 декабря». ეპისკოპოს კირიონს ნაშრომზე მუშაობა დაუშთავრებია 1903 წ. 26 დეკემბერს, რაც აღნიშნულია გადათეთრებული პირის ბოლოს – «1903 года Декабря 26 го дня Гор. Херсонъ». აქვეა მიწერილი: «Отправлено Борису Спир-у Эсадзе 1903 г. 31 декабря для напечатания во втором томе сборника «Весь Кавказъ», ზოლო ამის ქვემოთ კირიონს ჩაუნიშნავს: «P.S. «Весь Кавказъ» прекратилъ свое существованіе». სწორედ ამ მიზეზით ვერ იხილა ფართო მკითხველმა ეს საინტერესო ნარკვევი.

ეპ. კირიონის “ღირსი სტეფანე და მის მიერ დაარსებული ხირსის მონასტერი” დაწერილია ავტორის ხელთ არსებულ დოკუმენტებზე დაყრდნობით და ცხადყოფს მის ღრმა ერუდიციასა და სამეცნიერო ნიჭს. ნარკვევში ავტორს გამოთქმული აქვს საინტერესო ვარაუდი ტოპონიმ ხირსის წარმომავლობის შესახებ. საქართველოს ეკლესიის და ქართული ლიტერატურის ისტორიით დაინტერესებულ პირთათვის საყურადღებო იქნება ცნობა, რომ მღვდელმონაზონი ფილადელფოს კიკნაძე ყოფილა ავტორი “საქართველოს ეკლესიის ისტორიისა.” აქამდე კი ცნობილი იყო მხოლოდ მისი “აკტი გონიური,” სამი ლექსი და თხზულებები: “მამულის სიყვარული,” და “გოდებანი იერემიასანი, ძისა ენაისნი – ხილვათათვის მღვდმარეობასა ივერიისასა

¹⁴ ვ. წოწელია, დასახ. ნაშრომი, გვ. 34-41.

აწინდელსა ზედა.¹⁵ ჩვენი ეკლესიის ისტორიისათვის მნიშვნელოვანია ის ცნობაც, რომ თურქე ჩვენში ინახებოდა წმ. სტეფანე პირველმოწამის ნეკი, რომელიც XIX საუკუნის მიწურულს დაცული ყოფილა ბოდბის წმ. ნინოს დედათა მონასტერში, ხოლო თვით ეს მონასტერი ერთ დროს მამათა სავანეს წარმოადგენდა. აქვე შევიტყობთ, რომ ანტონ II-ის კუთვნილ წმ. იოანე მანგლელის ნაწილებიანი მცირე ხატი ანჩისხატის ეკლესიაში ინახებოდა. ნაშრომი გვაძეგნობს გასული საუკუნის დასასრულისათვის ტიბაანის მოსახლეობის ეროვნულ შემაღენლობასა და კომლთა რაოდენობას.

* * *

ეპისკოპოსი კირიონი ხერსონში დიდხანს არ გაუჩერებია მთავრობას. 1904 წლის გაზაფხულზე იგი გადაიყვანეს ორიოლში. ამის შესახებ იგი პეტერბურგიდან სწერს ი. ჩიჯავაძეს:

“მამაო წმიდაო!

ჩემი თავ გადასავალი სწორეთ საარაკოა. დაუდგრომელმა ბედმა ჩემს სიცოცხლეში ხშირად მარგუნა “რეშკა”, ეხლა კი მერგო “ორიოლი”...

გელი ორიოლში. მაისის ოცზედ ადრე ვერ წავალ ორიოლში. ესეც ასე. ლამის მთელი რუსეთი მომატარონ.”¹⁶

კირიონმა თავი სამშობლოს მიუძღვნა. ამას მისივე სიტყვები ცხადყოფენ: “მე ქვეყანა და მასზედ ზრუნვა ფეხებზედ როდი მკიდია... ჩემთვის მარად საღმთო იქნება ის ლტოლვილება, რომელსაც მივესწრაფებოდი. ჩემს სიცოცხლეში ჩემი წარმატებისათვის არ მიზრუნია: არც ოქრო იზიდავდა ჩემს გულს და არც ჯილდო. პირადი ჩემი ინტერესები დიდი ხანია უარ ვყავ”¹⁷ მიუხედავად სიცოცხლეშივე დამსახურებული სიყვარულისა და აღიარებისა, იგი მაინც მოკრძალებით ბრძანებდა: “მე ჯერ სამშობლოსათვის იმდენი სარგებლობა არ მომიტანია, რომ ღირსად ვსთვლიდე ჩემ თავს მაგოდენ პატივისცემისა.”¹⁸

* * *

ვფიქრობთ, მკითხველს დააინტერესებს ხირსის წმ. სტეფანეს მონასტრის ქონების აღწერა და ცნობები მონასტრის ზოგიერთი წინამძღვრის ნამსახურობის შესახებ, რომელიც ეპისკოპოს კირიონის ნაშრომს ბოლოს დაუერთეთ.

დასასრულ, მადლობას ვუხდით ბატონებს მიხეილ სიმონიშვილს, რომელმაც ჩვენთვის გადმოწერა სცსს არქივიდან ფ. №500, აღწ. 5, საქმეები 2 და 264 და ბესარიონ ბეჭვაიას, რომელმაც თავს იღო წიგნის გამოცემა.

დეკანოზი მიქაელ ჭაბაშვილი

¹⁵ ფილადელფოს კიკნაძე, ქადაგება ქველმოქმედების შესახებ, ტექსტი გამოსაცემად მოამზადა, წინასიტყვაობა დაურთო და გამოსცა მანანა ზოჭრიკა, “მეცნიერება,” თბ., 1997.

¹⁶ ხელნაწერთა ინსტიტუტი, კირიონის პ. ფ., ხელნ. №406, ფ. 26-28.

¹⁷ იქვე, ფ. 9.

¹⁸ სცსსა, პ. კარბელაშვილის პ. ფ., საქ. 254, ფ. 6-7.

ღირსი სტეფანე და მის მიერ დაარსებული ხირსის მონასტერი

I

*ღირსი სტეფანე – ხირსის მონასტრის დამაარსებელი.
“ხირსის“ წარმომავლობა. სავანის სტილი და მის მკვიდრთა
მისიონერული მიმართულება. მონასტრის საზღვრები და
სხვა ნაგებობანი. კურატი.*

ხირსის მონასტერი¹⁹ მდებარეობს ტიფლისის გუბერნიის სიღნაღის მაზრაში, ბოღბის საქალებო პირველი კლასის მონასტრის – წმ. მოციქულთა სწორის, ქართველთა განმანათლებლის ნინოს განსასვენებელიდან 6-7 ვერსზე. დაარსებულია VI საუკუნეში (552-557 წ.წ.) ღირსი სტეფანეს მიერ, რომლის წმიდა ნაწილებიც ამავე მონასტერში განისვენებენ. ისტორიკოს-გეოგრაფი ბატონიშვილი ვახუშტი ხირსის მონასტერზე წერს: “კვალად ხორნაბუჯის ჩრდილოთ არს ხირსას მონასტერი, რომელი ჰყო 13 მამათაგანმან წმიდა სტეფანემ, დიდ კეთილ-შენი. დაფლული არს მუნვე წმიდა სტეფანე. ზის წინამძღვარი.”²⁰

ღმერთშემოსილი მამამ ჩვენი სტეფანე ერთი იმ ათცამეტ სირიელ მამათაგანია, რომელთაც VI საუკუნის II ნახევარში საქართველოში შემოსულებმა თავიანთი მგზნებარე ქადაგებით, ფიცხელი მოსაგრეობითა და თავგანწირული შრომით ჩააქრეს ჩვენში ზოროასტრის ცეცხლთაყვანიშნობის კულტი, დააარსეს უდაბურ და მიუდგომელ ადგილებში ღირსად საქები მონასტრები და სულიერად განანათლეს ჩვენი ქვეყანა. მათივე დაუცხრომელი ენერჯის წყალობით ჩვენში გაბრწყინდა მონაზვნობა, რომელსაც დიდი დამსახურება აქვს საქართველოში ქრისტიანობის დამყარებისა და დაცვის, კავკასიის მთიელთა შორის მისი გავრცელების, აგრეთვე ჩვენი მშობლიური სასულიერო მწერლობის განვითარებისა და გამდიდრების საქმეში.

ღირსი სტეფანე იყო მოწაფე აბბა იოანე ზედაზნელისა. თავისი მრავალჭირნახული ღვაწლისათვის მან შეარჩია ცივკომბორის ქედზე მცირე ფერდი, რომელიც იმ დროს დაფარული იყო უსიერი ტყით. აქ მან აღაშენა თავისი ზეციური მფარველის. წმ. პირველმოწამე სტეფანეს სახელზე მცირე ეკლესია, რომელიც, როგორც გადმოცემა მოგვითხრობს, კახეთის მეფე კვირიკე I-ის (ქორიკოზი, 893-918) შრომით შეცვლილა იმავე პირველმოწამის, რომლის ხსენებაც 27

¹⁹ ხირსის მონასტრის შესახებ იხ. ჟურნალი “ცისკარი,” 1861 წ. მაისი, გვ. 51-53.

²⁰ Carevitch Vakhouchti, Description Geographique la Georgie, p. 311.

დეკემბერსაა, სახელზე აგებული საკმაოდ მოზრდილი ტაძრით.

ჩვენ, არც თუ უსაფუძვლოდ, მზად ვიყავით ეს ტაძარი აგებულების მიხედვით მიგვეკუთვნებინა კვირიკეს მეფობის წინა დროისთვის, რომ არა მონასტრის გუმბათის საკმაოდ მოზრდილი კონუსი, რომელიც აშენებასთან შედარებით გვიანდელ ხანაზე მიგვანიშნებს. თუმცა, საგულისხმოა, რომ კახეთის გვირგვინოსანი კვირიკე იყო მხოლოდ ერთ-ერთი აღმდგენელი, რომელმაც მონასტერს მაღალი გუმბათი დაადგა თავისი ეპოქის გემოვნებასთან შესაბამისად. უკანასკნელი რესტავრაციის დროსაც (XIX ს.), როდესაც გუმბათი დახურეს თუნუქით, ალბათ საკმაოდ ამაღლდა მისი კონუსიც. საერთოდ, უნდა ითქვას, რომ მოგვიანებით რესტავრაციები ხანდახან მთლიანად ცვლიან ტაძრების პირვანდელ სტილს, რაც აიძულებს მრავალ ცნობისმოყვარე, მაგრამ არა მთლად კომპეტენტურ მეცნიერს ქართული ტაძრების ხუროთმოძღვრების შესახებ მსჯელობისას მიაკუთვნონ ისინი უფრო გვიანდელ ხანას, ვიდრე სინამდვილეში ეკუთვნიან.

ჩვენმა მონასტერმა მიიღო სახელი ხირსისა, ხოლო თვით მისი დამაარსებელი ღირსი სტეფანე იწოდებოდა ხირსელად. რომელი სიტყვიდან წარმოდგა ეს სახელი – უცნობია. მას ახსნა არც ქართულ მატრიანებში აქვს. თუმცა, ზოგს სახელი “ხირსა” გამოჰყავს ქართული სიტყვიდან “ღირსი,” რომელიც, ვითომდა, გარდაქმნილა ხირსად. ზოგნი კი მას უკავშირებენ მონასტრის ახლოს გამოძვალ მდინარე ხირსას, რომელიც, იმ დროს, როდესაც გარშემო მთები დაფარული იყო ხშირი ტყით, საკმაოდ წყალუხვი ყოფილა.²¹ დღესაც მასზე თავისუფლად მუშაობს ორღარიანი წისქვილი. აღარას ვამბობთ იმაზე, რომ აქედან გაედინება ბევრი წყალი ბალების, მინდვრებისა და მდელოების მოსარწყავად.

ჩვენი ფიქრით, მეორე ახსნა სიმართლესთან ახლოს უნდა იყოს, თუმცა ასევე შესაძლებელია ვივარაუდოთ, რომ მდინარეს შეეძლო მიეღო სახელი მონასტრისაგან.

მაგრამ ამ სახელის ასახსნელად არის სხვა გზაც – შესაბამისი სიტყვა ვეძიოთ მცირეაზიურ პროვინციებში, ძველად საკმაოდ ღიდხანს რომ ბინადრობდნენ ჩვენი წინაპრები, საიდანაც სესხების მაგალითები ჩვენში ცოტა როდია. ასე მაგალითად, ქართლის ადგილის “სურამის” მნიშვნელობა უცნობია ქართულში, მაგრამ უეჭველია, რომ იგი ჩვენში შემოტანილია მცირე აზიიდან. ძველი აღმოსავლეთის ისტორიიდან ცნობილია, რომ როდესაც ეგვიპტის ფარაონმა შიშოკმა სძლია იუდეველთა სამეფოს და დაიპყრო 133 ქალაქი, ერთ-ერთი მათგანი იწოდებოდა “სურამად.”

თუ მივყვებით ამ გზას, ვნახავთ, რომ მსგავსი სიტყვა “Cherseus” მართლაც მოიპოვება სამარიაში, რომელიც ძველად პალესტინის ნაწილს წარმოადგენდა. იქვე მიაანიშნებს მდინარე ხერსიზე

²¹ Ф. Ленорман. Древняя история Востока, т. I, вып. I, стр. 126.



7.ღირსი სტეფანეს საფლაუი.

პტოლემეოსი თავის გეოგრაფიაში. ვითვალისწინებთ რა სამარიის ახლო მეზობლობას სირიასთან, საიდანაც მოვიდა ჩვენთან ათცამეტი კაბადოკიელი მამა, მეტ-ნაკლები უეჭველობით შეიძლება ვთქვათ, რომ თვით ღირს სტეფანეს შეეძლო გადმოეტანა ეს დასახლება სამარიიდან საქართველოში და ეწოდებინა თავისი განმარტოებული მოსაგრეობის ადგილისათვის. ვიმეორებთ, რომ სესხების მსგავსი მაგალითი ჩვენში ბევრია და, მაშასადამე, შესაბამისად სიტყვა "ხირსა" ადვილად შეიძლება შედოსულიყო ჩვენთან მცირე აზიიდან.

ალბათ, დასახლება ხირსიდან წარმოდგა სათავადო გვარი ხირსელი, რომელიც შემდეგ გადაკეთებულა "ხირსელოვად."

ხირსის მონასტერი აგებულია ქართული სტილით, მაგრამ იგი სამამულო არქიტექტურის აყვავების ხანის მსგავსი ვერ არის. ადრე მას ქვეყანაში უდიდესი მნიშვნელობა ჰქონდა სამისიონერო-სარწმუნოებრივ საქმეში, იყო ერთ-ერთი საუკეთესო სამისიონერო ბანაკი. ამ სავანის მკვიდრნი დაუღალავად და ენერგიულად იღვწოდნენ ქრისტიანობის გასავრცელებლად პირქუშ ლეკთა შორის, რომლებიც იყვნენ იმ დროისათვის მიუდგომელი დაღესტნის ველური და თავისუფალი შვილები. ამ მონასტრის წინამძღვართაგან სამისიონერო სარბიელზე განსაკუთრებით იღვაწა XVIII საუკუნეში ქართული ეკლესიის ისტორიაში კარგად ცნობილმა წმ. იოანე მანგლელმა ეპისკოპოსმა, გვარად სააკაძემ (†28 მარტი, 1751 წ.), რომლის წმიდა ნაწილები განისვენებენ ტიფლისის სიონის საკათედრო ტაძარში სიონის ღვთისმშობლის თითქმის პირდაპირ (ცოტა მარჯვნივ). ეს ცნობილი და უშიშარი მისიონერი, რომელმაც საღვთისმეტყველო განათლება მიიღო დავით გარეჯის სკოლაში, ბერთუბნის უდაბნოში, მოციქულებრივი სულისკეთებით მოღვაწეობდა ქალაქებში: ღერბენტში, ასტრახანსა და ჩრდილოეთ კავკასიაში, მრავალ ალაგას აარსებდა მონასტრებს, სკოლებსა და ეკლესიებს და ყველგან უხვად ავრცელებდა ქრისტიანული სიბრძნის სხივებს. განსაკუთრებით ბევრი იღვაწა მან ოსეთისა და ინგუშეთის მოსაქცევად, რის გამოც, სრულიად სამართლიანად უნდა ჩავთვალოთ იგი მათ ახალ განმანათლებლად. მცირე ხატი, ამ მღვდელმთავრის ნაწილებით შემკული, რომელსაც ატარებდა გულზე უკანასკნელი კათალიკოსი ქართველი ბატონიშვილი ანტონ II, ამჟამად ინახება ტიფლისის ანჩისხატის ტაძრის საკურთხეველში.

მონასტრის ტაძარს, რომელიც გვირგვინდება მაღალი კონუსის მსგავსი გუმბათით მაღალდასაჯდომლიდან დასავლეთის კარიბჭემდე აქვს სიგრძე 41 ადლი, 6 1/2 გოჯი, სიგანე - 23 ადლი, 10 1/2 გოჯი, ხოლო სიმაღლე ლავარდანამდე - 15 ადლი, 1 გოჯი. შემოსასვლელი კარი ორი აქვს - დასავლეთიდან და სამხრეთიდან, რომელიც ჯერ ნიკოლოზის ეკვდერისკენ მიემართება, ხოლო იქიდან - მთავარ ტაძარში. მთავარ საკურთხეველში არის ქვისაგან ნაგები ტრაპეზი, სიგრძით 21 1/2 გოჯი, სიგანით კი 21 1/4 გოჯი. მისგან მარჯვნივ, სამხრეთით, არის კამარიანი ეკვდერი ღვთისმშობლის მიძინების სახელზე (აღინიშნება აღდგომის მეორე დღეს), მარცხნივ კი, ჩრდილოეთით, აგრეთვე ქვის საკურთხეველიანი ეკვდერია, რომელიც ახლა გადაუქცევიათ ჭურჭლის საცავად, რომლის შესასვლელშიც არის სამარხი ღირსი სტეფანე ხირსელისა, გაკეთებული მონასტრის ყოფილი წინამძღვრის არქიმანდრიტ ლეონიდეს, აწ იმერეთის ეპისკოპოსის, მიერ მარმარილოს ქვეშ დაგებული ხით, რომელზეც ამ წმიდანის სრული გამოსახულებაა.



8. ძველი კუბო ქვა, რომელიც ღირსი სტეფანეს საფლავზე იდო.

მთავარ საკურთხეველს არ გააჩნია განსაკუთრებული სამკვეთლო, მის ნაცვლად დგას ხის მაგიდა, რომელზეც სრულდება პროსკომიდია. საკურთხევლის იატაკი გათლილი ქვისაა. ასეთივე ქვისაგანაა სოლეაც, ხოლო ტაძრის დანარჩენ ადგილას იატაკი დაგებულია ძველებური ქართული ფორმის დიდი აგურით (8X8 გოჯი). მონასტრის კანკელი ხისაა, სამიარუსიანი, ჩუქურთმებიანი და თეთრ ფონზე ოქროთი დაფერილი. ღვთისმშობლის მიძინების ეკლერში სამკვეთლო ქვისაა,

იატაკი – აგურის, ხოლო სამიარუსიანი კანკელი ტილოზეა დახატული. ძველი კუბო ქვა, რომელიც ღირსი სტეფანეს საფლავზე იყო, მდებარეობს მარჯვენა კუთხეში, წარწერები არ ეტყობა, მაგრამ შუბლის მხარეს აქვს ჯვრის გამოსახულება გვერდებზე ლახვრითა და ღრუბლით, ქვევით კი ადამის თავით.

აღნიშნული საკურთხევლების გარდა, ტაძრის სამხრეთ-დასავლეთით არის წმ. ნიკოლოზ მირონლუკიის საკვირველმოქმედის საკურთხეველიც. მისი სიგრძე 9 1/2 ადლია, სიგანე 5 ადლი, ხოლო სიმაღლე 7 ადლი. ტრაპეზი ქვისაა, ხოლო სამკვეთლო ჩრდილოეთის კედლის ნიშანშია მოთავსებული. ამ საკურთხეველს ორი კარი აქვს: ერთი – მთავარი ტაძრის ჩრდილოეთის მხრიდან, ხოლო მეორე სამხრეთის მხრიდან. კანკელი ტილოსია, სამიარუსიანია, დაუწერია ვინმე რუს ხატმწერს. შიგნით ზეთოვანი საღებავებით დახატულია: მაცხოვარი ეკლის გვირგვინით, ღირსი სტეფანე ხირსელი, წმიდა დიდმოწამე და ძღვევაშემოსილი გიორგი და ღირსი ტიხონი. ამ ეკლესიას გარედან მიღებული აქვს ლედელმონოზონ ფილადელფოს კიკნაძის²² მიერ (რომლის კალამსაც ეკუთვნის საქართველოს ეკლესიის ისტორია) პატარა ოთახი ღამის მთევლთათვის.

მონასტრის ფრონტონები დახურულია ქართული კრამიტით, ხოლო გუმბათი – თეთრი თუნუქით. ძველად მონასტერს ჰქონდა ერთი კარი სამხრეთის, ხოლო მეორე – დასავლეთის მხრიდან. პირველი დღეს იშვიათად იღება. გარედან მონასტერს აქვს სხვადასხვა დროს მრავალჯერ აღდგენის ნიშნები. ხოლო თვით მონასტრის ტაძარი კაპიტალურად შეკეთებულა საქართველოს ეგზარქოს იონას დროს 1822 წელს. ტაძრის გარეგნობა არ ახდენს მნახველზე სასურველ შტაბეჭდილებას, რადგან აგებულია ლოდებით, აგურითა და რიყის ქვით. მონასტერი სილამაზითა და სტილის სიწმიდით, შესრულების მხატვრულობითა და სიმტკიცით ჩამოუვარდება საქართველოს სხვა მონასტრებს, სამაგიეროდ უეჭველად აღბეჭდილია სიძველით. როგორც მართლმადიდებლობის მოწინავე ბურჯი, იგი ხშირად დარბეულა ქრისტიანული სარწმუნოების მტერთაგან, მაგრამ საქართველოს კეთილმორწმუნე გვირგვინოსნები ზრუნავდნენ მის აღდგენა-აშენებაზე, რის წყალობითაც ამ ჭაღარა ტაძარმა, რომელიც თოთხმეტი საუკუნე განანათლებდა გარშემო მართლმადიდებელ მოსახლეობას, მოაღწია ჩვენამდე.

მონასტრის დასავლეთით აღმართულია საკმაოდ მაღალი გალავანი, რომელიც, პლ. იოსელიანის მოწმობით, შეუკეთებია კახეთის მეფე ლეონს,²³ და ამის გამო მონასტერი, რომელსაც ეზოსთან შედარებით

²²ფილადელფოსის შესახებ იხ. ჩუენი ბროშურა *Две святѣни в Кахетии. Монастырь св. Шно*, стр. 17.

²³Пл. Иоселиани, *Путевые записки по Кахетии*, стр. 121-128.

დაბლობი ადგილი უჭირავს, რჩება ზღუდის გარეთ, რომელთანაც აკავშირებს ოცდაერთსაფეხურიანი ქვის კიბე.

ხირსის მონასტრის სამრევლო სამსართულიანია. იგი მდებარეობს დასავლეთით, დახურულია თეთრი თუნუქითა და აუგია ილუმენ ალექსანდრეს (საყვარელიძე), ძირითადად საკუთარი სახსრებით. მონასტრის შენობათა ირგვლივ გალავანი საკმაოდ ფართოა, მოიცავს დაახლოებით მეოთხედ დესეტინას. ძველად გალავანს უეჭველად ჰქონდა კუთხეებში სიმაგრეები, ახლა კი ჩრდილო-დასავლეთის კუთხეში გადარჩენილია ერთი მრგვალი ერთიარუსიანი კოშკი, რომელიც მონასტრის გალავანზე მაღალი არ არის.

მონასტრის ტაძარს ადრე ჰქონია თავისი გალავანი, რომლისგანაც ამჟამად აღმოსავლეთისა და დასავლეთის ნაშთებიღაა დარჩენილი, სიმაღლით მონასტრის მოედნის დონემდე. მონასტრის ეზოში, ტაძრის წინ, ყოფილა მშვენიერი წყაროს წყალი. იგი გამოდიოდა მონასტრიდან ორ ვერსზე აქამდე არსებული წყაროდან, რომელიც ატარებს კოდის წყაროს სახელს. სამწუხაროდ, ბერებმა ვერ შეძლეს თავის დროზე დაეცვათ დანაგვიანებისაგან თიხის მილები, რომელშიც მოედინებოდა ცივი და გემრიელი წყალი. მონასტრის ეზოში წყალი შეწყდა. სარწყავი წყლის უქონლობის გამო მონასტრის ტერიტორიაზე ყველა მცენარე ზაფხულის პირველივე ცხელ დღეებში ხმება და მნახველზე საცოდავ შთაბეჭდილებას ტოვებს.


მონასტრის ეზოში მოთავსებულია განსაკუთრებული ფლიგელი საეკლესიო-სამრევლო სკოლისთვის და მარანი, რომელიც აუშენებია ყოფილ წინამძღვარს არქიმანდრიტ ლეონიდეს. აქვეა ორსართულიანი სახლი, რომლის მეორე სართულზე მოთავსებულია წინამძღვრის განსასვენებლები, ხოლო ქვედა სართულზე ცხოვრობს ძმობა. გალავანს სამხრეთით აქვს ჭიშკარი, ხოლო ჩრდილოეთით მცირე კარი, გამავალი ერთი დესეტინის ფართობის მქონე ვენახში, რომელიც გაუშენებია მონასტრის ბერს გიორგის (შავეიშვილი). იგი დაკრძალულია ეზოში, ნიკოლოზის ეკვდერის წინ.

მონასტერი ქიზიყის მოსახლეობაში დიდი პატივით სარგებლობს. საენის ტაძრის დღესასწაული, როგორც ზემოთ ვთქვით, 27 დეკემბერს არის და შემოიკრებს მრავალ ქართველ, სომეხსა და თვით ლეკ-მაჰმადიან მლოცველს. მაგრამ, ტაძრის დღესასწაულის გარდა, გარშემო ბინადარნი გულმოდგინედ დადიან მონასტერში კვირა დღეს, განსაკუთრებით კი ათორმეტ დღესასწაულზე.

აქვე საჭიროა აღინიშნოს თავისი სიძველით განსაკუთრებით შესანიშნავი ერთი ჩვეულება, რომელიც ქართველთა შორის ქიზიყშია შემონახული (სიღნაღის მაზრა). აღთქმის მიხედვით, ირგვლივ მოსახლე მამაკაცები მონასტერს სწირავენ თავის ფიზიკურ შრომას, ე.ი. მოდიან მონასტერში და მუშაობენ უსასყიდლოდ რამდენიმე



9. მონასტრის სამრეკლო.



10. მონასტრის გალავანი რესტავრაციის შემდეგ.

თვე, საკუთარი აღთქმის პირობაზე. მონასტერი კი მხოლოდ კვებავს ამ უფასო მუშებს და აძლევს ქალამნებს. მონასტრისათვის თავისი შრომის უსასყიდლოდ შემწირველ მუშას ეწოდება კურატი. როდესაც კურატი ღროს გაასრულებს, სთხოვს მღვდელმონოზონს, გადაუხადოს პარაკლისი და ბრუნდება შინ. ჩვენ ამ ჩვეულებას აღსანიშნავი იმად ვუწოდეთ, რომ მსგავსი სიტყვა ჰქონდათ ჩვენს თანატომელ ხეთებს, მათთან შესაწირ საქონელს ერქვა კურატი.²⁴ ქართლში შესაწირ საქონელს, ხბოს, დღემდე შემორჩა სახელი კურატი.

II

მონასტრის უძველესი სიწმიდე – წმ. პირველმოწამე მთავარდიაკონ სტეფანეს ნეკი, რომელიც უსამართლოდ მიუთვისებია მეზობელ მონასტერს. წმიდა ნიეთები და ჭურჭელი. საფლავები მონასტერში.

მონასტრის საუკეთესო სამკაულს წარმოადგენდა მისი უძველესი სიწმიდე – წმ. პირველმოწამე სტეფანეს ნეკი, რომელიც, სავარაუდოა, მოუტანია თვით ღირს სტეფანეს. მაგრამ, სამწუხაროდ, ეს სიწმიდე ჯერჯერობით სხვა სავანეშია. წმ. პირველმოწამე მთავარდიაკონ სტეფანეს ხსენებული ნეკის ვერცხლის ბუდეზე არის ქართული წარწერა ამ ძვირფასი საყოველთაო სიწმიდის ხირსის მონასტრისადმი უტყუარი კუთვნილების შესახებ და ბრძანდება ბოდბის დედათა მონასტერში. მიუხედავად ხირსის მონასტრის ყოფილი წინამძღვრის არქიმანდრიტ ლეონიდეს შუამდგომლობისა, ილუმენია იუბენალია I არ დათანხმებულა დაებრუნებინა მონასტრისათვის მისი მრავალსაუკუნოვანი სიწმიდე, რომელიც არეულობის წლებში, მტერთაგან დარბევების ხანაში, დროებით შესანახად გადაუტანიათ იმჟამად ხირსის მონასტრისათვის მიწერილ ბოდბის, იმ ღროს ჯერ კიდევ მამათა, მონასტერში.

საეკლესიო ნიეთთაგან ყურადღებას იქცევენ:

ა) მოსკოვში დამზადებული ვერცხლის ოთხსვეტიანი სანაწილე, რომელსაც აქვს შემდეგი წარწერა: «Жертвуетъ иеромонахъ Александръ Сакварелидзе. 1896 г. 20 января».

ბ) ვერცხლის ბარძიმი წარწერით: “პირველ მოწამეო სტეფანე, შემიწყალე, მცირისა ამის ძღვნის შემამწირველი, ხირსის მონასტრისა შენისა წინამძღვარი დავით დარჩაშვილი და ძე ჩემი იოვანე, ამინ. მისხალი (რი) ქკს უნ“ =1762 წ.

²⁴იხ. Богословский Вестник за 1901 г. О Хеттсяхъ.

c) ვერცხლის ფეშხუმი წარწერით: “ქ. შემოგწირე მცირე ესე შესაწირავი შენ წმინდასა მამასა ჩვენსა სტეფანეს ხირსულსა, და მე ვლ უღირსმან ქისიყის მოურავმან რევაზ, – ფეშხუმი და კამარა ვერცხლისა, რათა მეოხ მექმნა წინაშე ღვთისა მეუღლით ჩემით, ძით და ასულით თვესა ივლისსა ი ქვს უმთ მისხალი ნდ კამარით.”²⁵ ქართული ქორონიკონი უმთ=1781 წ.

d) ვერცხლის ფეშხუმი შემდეგი წარწერით: “ეს ფეშხუმი შევსწირე ღათიკომ ბერძენოვმა ჩემ სასულიეროთ, ჩემი ცოლშვილის სასულიეროთ.”²⁶

e) ვერცხლის კამარა წარწერით: “შემოგწირე ჩემ სახსენებლად ნატალია ბერძენოვის(ამ).”

f) კოვზი წარწერით: “არხიმანდრიტი ნიკიფორე.”

g) ტაკუკი წარწერით: “შემოგწირე მცირე ესე ნივთი წმიდაო სტეფანე ყაფლან ორბელიანმან.”²⁷

h) ვერცხლის ყუთი დიდმარხვაში წმ. ტარიგის შესანახად შემდეგი წარწერით: “შემოგწირე მღვდელ-მონაზონმა პიმენმა ფარსადანოვმა შევწირე (?) ხირსის წმინდა სტეფანეს. 1902სა წელსა აგვისტოს 20. მისხხალი რლთ.”

i) ვერცხლის ოთხშანდალი, საიდუმლო სერობის წინ დაკიდული, რომელზეც შემდეგი წარწერაა: “წმიდაო მოციქულო და პირველ-მოწამეო და არხიდაკონო სტეფანე, შემოგწირე მცირე ესე ძღვენი ჩვენ, ქიზიყის მოურავმა პოლკოვნიკმა და კავალერმა იოსებ ანდრონიკოვმა საოხად სულისა ჩემისა და შესაწევნელად თანამეცხედრისა ჩემისა ელენა, ამირეჯიბის ასულისათა, და აღსაზრდელად ძისა ჩვენისა იასესთვის და ასულისა ქეთევანისთვის. მეოხ გვექმენ ორთავე ცხოვრებათა შინა, ამინ. წელსა ჩყიდ.”

k) ტრაპეზის მინანქრებიანი ვერცხლის ჯვარი შემკული ციმბირული ქვებით წარწერით: «СВЯЩЕННИКЪ ЯСИ ЧАГУНОВЪ».

ტაძრის იატაკი მოფენილია წინამძღვართა და კერძო პირთა საფლავებით.


1. ტაძრის მარჯვენა ნაწილში სვეტის წინ არის საფლავის ქვა შემდეგი წარწერით: “აქა მღებარეობს სხეული ხირსის არხიმანდრიტის ბუჭყიევის ძის ეპიფანესი, მექონი შობილგან 67 წლისა, რომელიც გარდაიცვალა 1852სა წელსა თებერვლის 10სა დღესა.”

საფლავის ზემოთ, სვეტზე, მოთავსებულია სპილენძის დაფა შემდეგი წარწერით: “აქ მღებარეობს სხეული ღვთისადმი განსვენებულისა ხირსის წმინდის სტეფანეს მონასტრის წინამძღვარი

²⁵ძველი ქართული წესით, წარწერაში ყოველი სიტყვის შერე ზის ორი წერტილი.

²⁶წარწერაში ფეშხუმი შეცდომით იწოდება ბარძიმაღ.

²⁷ყოველი სიტყვის შერე ორი წერტილია. წარწერა, უეჭველია, შესრულებულია არა უგვიანეს XVIII საუკუნისა.



11. მარნის ნანგრევები.



12. ძველი ორსართულიანი სახლის ადგილზე აგებული შენობა, რომელშიც დღეს ხირსის მონასტრის მშობა ცხოვრობს.

და კავალეროსანი არხიმანდრიტი ივერიის აზნაურთაგანი ბუჭყიევის იოანეს ძე ეპიფანე, მექონე შობილგან 67 წლისა, შემღვარი „ამლქუ ამ0081 ფამოგაიოლოგი ილუნდობოტუ ღე ამინ ამბოპოჭამონ ხოლო არხიმანდრიტად 1815სა წელსა 10სა თებერვლის თვესა. შევიძვე ესე სახსენებელი ნეტარ ხსენებულო არხიმანდრიტო ძმისწულმან შენმან მაიორმა იოანე ბეუანისძემ ბუჭყიევმან.“

2. საფლავის გვერდით, მარცხნივ, არის წარწერიანი საფლავის ქვა: «Здесь погребено тѣло настоятеля сего же монастыря, архимандрита Григорія Берзенова. Родился въ 1809 году, скончался 5го юля 1869 года». „აქა დასაფლავებულ არს გვამი ამავე მონასტრის წინამძღვრისა, არხიმანდრიტისა გრიგორისა, ყოფილ დეკანოზის გიორგი ბერძენოვისა. დაიბადა 1809 წელსა გარდაიცვალა 5 ივლისს 1869 წ.“

3. მარჯვნივ სვეტთა შორის არის უწარწერო ქვა საფლავის აღსანიშნავად, ხოლო თვით სვეტში მოთავსებულია სპილენძის დაფა შემდეგი ეპიტაფიით:

«О, братъ, ты не жальи, что рано умер я,
Не сътуйте о мнѣ родные и друзья,
Мір сей гостиница, - чтожь долго въ немъ и быть?
Не лучше-ли въ свой домъ вѣчный поспѣшить?»

Здесь покоится прахъ Нижегородскаго Драгунскаго полка штабъ-лекаря и кавалера Ивана Феодоровича Лещинскаго, сканчавшагося 1832 года Августа 19 дня на 34 году своего рожденія. Посвящаль сїй надпись родной его братъ, онаго же полка полковой священникъ Симеонъ Лещинскїй».

4. ამ საფლავის მარჯვნივ არის ქვა შემდეგი წარწერით:

«Здесь покоится прахъ капитана, командира Донской казачьей конно-артиллерїйской Зей роты Алексѣя Васильевича Полякова, сканчавшагося въ 16 дней Августа 1833 года, на 36 году отъ рожденія».

5. უკანასკნელი სვეტის მარჯვნივ, ჩრდილოეთის მხარეს, ჩატანებულია მარმარილოს დაფა, რომელზეც შემდეგი წარწერაა: “შენი ვარ და მაცხოვნე მე, უფალო. ამა საფლავსა შინა მდებარე ვარ საპერნის ბატალიონის კაპიტანი სოლომონ მალალოვი, რომელმაც შევწირე თავი ჩემი ხელმწიფის ერთგულობისათვის და მომკლეს დალისტანში სოფლის ჭოხის აღებაში 1849სა წელსა ივლისის 5სა დღესა. წამკითხველნო შენდობას ვითხოვ მიბძანოთ.“

6. ამ სვეტსა და ტაძრის დასავლეთის კედელს შორის განისვენებს არქიმანდრიტი ევსტრატე (ლვინიევი). სამწუხაროდ, მონასტრის ძმობამ არ იზრუნა აღენიშნა დასაფლავების ადგილი ქვით.

7. მარჯვენა მხარეს დასავლეთის კედელზე მოთავსებულია მარმარილოს დაფა შემდეგი წარწერით: «Здесь покоится нашъ братъ,

Нижегородского драгунского полка капитанъ Василий Григорьевичъ Марковъ, скончавшійся 1820 года Декабря 31 числа, на 31 году отъ рожденія своего».

8. მარცხენა მხარეს სვეტთა შორის არის საფლავის ფილა შემდეგი წარწერით: "საფლავსა შინა მდებარე ვარ ხირსის წმინდის სტეფანის (მონასტრის) წინამძღვარი არხიმანდრიტი იოსებ ჩახნაევი. მხილველნო შენლობა მაღირსეთ. გარდაიცვალა 20.3.1882სა წ."

9. ამ საფლავის გვერდზე, მარჯვნივ, მოთავსებულია საფლავის ქვა წარწერით: "ამას ალაგსა ზედა განისვენებს გვამი პოდპოლკოვნიკის გრიგორი ვასილიევის ძის კავალეასი გარდაცვლილი-სა ჩყკ ს წელსა აგვისტოს კო სა დღესა დაბადებიდგან მგ წლისა."

10. ამ ძეგლის გვერდით არის საფლავის ქვა, მაგრამ წარწერის უქონლობის გამო უცნობია, ვინ არის აქ დასაფლავებული.

11. მარცხნივ უკანასკნელი სვეტის ახლოს, სამხრეთის მხარეს, არის ქვის ფილა წარწერით: «Подъ симъ камнемъ покоится прахъ супруги штаб-лекаря Надежды Харитоновны Брюсовой, къ прискорбїи мужа и родныхъ скончавшейся на 20 году отъ рожденія, ноября 30 дня 1834 года».

12. ამ საფლავის წინ არის წარწერიანი ქვა: «Въ сей могильъ покоится прахъ роднаго брата моего Александра Сърикова, скончавшагося 1го Сентября 1812 г., артиллерїи поручика».


13. დასავლეთის კედელში ჩატანებულ მარმარილოს დაფაზე არის წარწერა: «Здесь погребено тѣло лейбъ-гвардїи гренадерскаго полка поручика и кавалера Константина Гавриловича Чиляева, родившагося 20 мая 1801 года, скончавшагося, къ сердечному прискорбїю родственниковъ его, 12 Августа 1829 года, в крѣпости Нухъ, во время его управленія Нухииского провинціею».

14. ნიკოლოზის ეკლერში სამეუფო კარების წინ საფლავის ქვის ნახევარი ამბიონის ქვეშაა მოქცეული, ხოლო დანარჩენზე დატანებულია მარმარილოს წარწერიანი დაფა: "აქა მდებარე არს თინათინ ივანეს ასული, მეუღლე კეთილშობილი იოსებ მაღალოვისა, აღსრულებულ იქმნა 15 ნოემბერს 1858 წელსა, შობილგან 85 წლისა."

III

მონასტრის წინამძღვრები, წარწერები ტაძარზე და მინაწერები. მონასტრის მამულები, მიწერილი ეკლესიები და საარენდო შემოსავალი. ხირსის მონასტრის შესახებ დოკუმენტური მონაცემების სიმწირე, დასკვნა.

ხირსის მონასტერში მუდამ იჯდა წინამძღვარი ხან არქიმანდრიტის წოდებით, ხან ეპისკოპოსის ხარისხში, ხანაც უბრალო მღვდელი. ჩვენს მიერ ზემოთ მითითებული იოანე მანგლელის გარდა კიდევ ცნობილია ხირსის სტეფანეს მონასტრის შემდეგი წინამძღვრები:



13.არქიმანდრიტ იოანე ბუჭყიაშვილის საფლავის ქვა.



14.არქიმანდრიტ იოსებ ჩახნაშვილის საფლავის ქვა.

- ა) არქიმანდრიტი დანიელი (1530-1553 წ.), დატყვევებული ლეკთაგან და კახეთის მეფე ლევანისაგან გამოსყიდული;
- ბ) მთავარეპისკოპოსი გაბრიელ ბოდბალი (ბოდბელი), წმიდა სტეფანეს მონასტრის წინამძღვარი;²⁸
- გ) არქიმანდრიტი ბართლომე (1716-1734 წ.);
- დ) არქიმანდრიტი ეპიფანე I (1735-1769 წ.);
- ე) დავით (1769 წ.) დარჩიაშვილი;²⁹
- ვ) არქიმანდრიტი თომა (1770-1790 წ.), ჰქონდა მონასტერთან არსებული შესანიშნავი სკოლა;
- ზ) კირილე (1790-1792 წ.), ყოფილი რუსთველი (1783-1790 წ.);³⁰
- წ) მღვდელი იოანე (1793-1814 წ.);
- თ) არქიმანდრიტი ნიკიფორე (1816-1841 წ.), თავადი გვარად ჯორჯაძე;
- ი) არქიმანდრიტი ეპიფანე II (1842-1852, †10 თებერვალს), ბუჭყიაშვილის გვარისა, ადრე შუამთის წინამძღვარი ყოფილა;
- ია) არქიმანდრიტი კესარია (1870-1877 წ.), გვარად ჩეკურაშვილი;
- იბ) არქიმანდრიტი იოსები (1877-1882 წ.), ჩახნაშვილი (†20 მარტს);
- იგ) არქიმანდრიტი ევსტრატე (ლვინიევი); დეკანოზყოფილი;
- იდ) არქიმანდრიტი ლეონიდე (1893-1897 წ.), ოქროპირიძე, აწ იმერეთის ეპისკოპოსი;
- იე) არქიმანდრიტი ევსევი (1897-1898 წ.) ცაბაძე; და
- ივ) არქიმანდრიტი ლეონტი, 1898 წლიდან, ბაქრაძე, დეკანოზყოფილი.


ასე რომ, ჩვენთვის ცნობილია 17 წინამძღვრის სახელი.

რაც შეეხება წარწერებს, ისინი ტაძრის გარდა კედლებზეცაა, თუმცა ზოგიერთი დროსა და სტიქიას დაუზიანებია. აქვე უნდა აღინიშნოს, რომ საქართველოს ეგზარქოსმა ევსევიმ 1841 წლის 9 აპრილს მისწერა მონასტრის წინამძღვარს არქიმანდრიტ ეპიფანეს, გადაეწერა ყველა წარწერა არსებული მონასტრის კედლებზე, ღირსი სტეფანეს საფლავის ფილაზე და წიგნებზე მინაწერები, მაგრამ ამ წინამძღვარმა გადაწერა და გაუგზავნა მხოლოდ ერთი წარწერა,

²⁸ ბერი არსენი სუხანოვი, მთავარდაკონი ჩუღოვის მონასტრისა და კატრიარქისა, 1637-1640 წლებში ელჩთა შორის საქართველოში მყოფი, ასახელებს ამ მღვდელმთავარს სტეფანეს მონასტრის წინამძღვრად. იხ. Христ. чт. за 1884 г. №3-4, стр. 23.

²⁹ იხ. ზემოთ ლიტერი B.

³⁰ 28 ივლისს ლეკნი მოუხდნენ ხირსის და საჭობოს ბოლოზედ და ქიზიყელები გამოაქციეს. წინ დახვდათ კირილე ჯვართ ხელში, მიუძღვა ქიზიყელებს და ლეკები ძალიან დაამარცხეს. გამობრუნებულს კირილეს ჰკრა თოფი ჩასაფრებულმა ლეკმა, რომელიც იქვე აკუნეს. იყო დიდი მოჭირნახულე ეკლესიისა.



15. კაპიტან ალექსი ვასილის ძე პოლიაკოვის საფლავის ქვა.

ორმოცდაათიანი წლებიდან მონასტერს აქვს სამი დიდი ზვარი, ორი წისქვილი, ერთი ღუქანი, სახნავი მიწები, სოფელ მირზაანში – ტყე, სოფელ არბოშიკში – მიწები აგურის ქარხნებით. გარდა ამისა, მონასტერს მიეწერებოდა: 1. წმ. იოანე ნათლისმცემლის გაუქმებული მონასტერი სოფელ ვაქირში, ზვრებით, ღუქნებითა და შენობებით, საიდანაც მონასტერი იჯარის ფულს იღებდა და 2. ხირსის მონასტრის სამხრეთით, დაახლოებით 6 კერსზე, ტყეში მდებარე

ამაღლები ეკლესია მშენიერი ტყითა და წყაროებით. გადმოცემით აქ იყო მონასტერი და იჯდა ეპისკოპოსი. ტაძრის დღესასწაულზე ამაღლების ეკლესია მრავალ მლოცველს იზიდავს. ეს ტაძარი მღებარეობს თვალწარმტაც ადგილზე, მთლად ძველი ქართული აგურითაა ნაგები, გუმბათიანია და შიგნით ჯერ კიდევ შემონახულია ფრესკული მხატვრობა. მარჯვენა სვეტზე საკმაოდ კარგად შენახულია მთელი ტანით აღმართული სამეფო შესამოსლიანი ორი პიროვნებისა და მათ შორის შეფუთული ქალის გამოსახულებანი. წარწერები არ გადარჩენილა. ტაძრის დამაგვირგვინებელი მაღალი გუმბათი ამ ეკლესიის უაღრესი სიძველის დამადასტურებელია. ეკლესიის მინაშენები და შემოგარენი ნანგრევებითაა მოფენილი. ჩანს, აქ ოდესღაც დულდა ცხოვრება, სამონასტრო ცხოვრება. დღეს იგი მიწვერება წმ. მოციქულთა სწორის ნინოს ქალთა მონასტერს, რომელიც სარგებლობს კიდევ მისი შემოსავლით. ჰჩანაზანში ხირსის მონასტერს აგრეთვე ჰქონდა იჯარით გაცემული დუქნები და აგურის ქარხნები. გარდა აღნიშნული მამულებისა, მონასტერს ჰყავდა თავისი გლეხები სოფლებში: ტიბაანი, ოზაანი, პრასიანი და ვაქირი, რომელთაგანაც წელიწადში 322 მანეთს იღებდა. თავის სამ დიდ ზვარს, ორ წისქვილსა და ერთ წისქვილს მონასტერი იჯარით აძლევდა სიღნაღელ მოქალაქე ადამიანს ნუბროვს წელიწადში 260 მანეთად. ჩანაზანის დუქნებიდან და აგურის ქარხნებიდან მონასტერს 60 მანეთი შემოსდიოდა; ხოლო ვაქირის მამულებიდან – დუქნები, პატარა ვენახი და შენობები – იღებდა 84 მანეთსა და 50 კაპიკს წლიურად.


მონასტრის კედლებთან ახლოს მღებარეობს სოფელი ტიბაანი, რომელიც შეადგენს განსაკუთრებულ მრევლს 200 კომლი ქართველი და 40 კომლი სომეხი-გრიგორიანელი მოსახლით. ადრე ეს სოფელი მღებარეობდა ხირსის მონასტრიდან სამხრეთ-დასავლეთით მღებარე ხეობაში, მაგრამ 50 წლის წინ მოსახლეობა აიყარა და ჩამოსახლდა ამჟამინდელ ადგილზე, რომელიც, უეჭველია, ხირსის მონასტერს ეკუთვნოდა.

აღნიშნული ქონებიდან, ექსპროპრიაციის შემდეგ, მონასტერს დარჩა: ერთი ზვარი ორი დესეტინა სოფელ ტიბაანში, მდინარე ხირსის ნაპირზე, ორი წისქვილი – ერთი პრასიანში, ქართული წესით გამართული, ხოლო სხვა – ბორბლიანი, მონასტრის ვენახის ახლოს, აგებული სავანის ამჟამინდელი წინამძღვრის არქიმანდრიტ ლეონტის (ბაქრაძე) მიერ, რომლებსაც მოაქვთ წელიწადში 300 მან. ერთი დუქანი ხსენებული ვენახის ბოლოს, აგებული იმავე წინამძღვრის მიერ, შემოსავლით 70 მან. საიჯარო წლიურად. გარდა ამისა, მონასტერს გალავნის ირგვლივ აკრავს 200 დესეტინა მიწა, რომლის ნაწილსაც მონასტრის ძმობა ამუშავებს.

1850-1851 წლებში ხირსა გადაკეთდა III კლასის მონასტრად, რისთვისაც წინამძღვარს დაენიშნა 300 მან., ორ მღვდელმონოზონს

60 მან. თითოეულს, ერთ ბერდიაკონს 50 მან. და ორ მორჩილს 40-40 მანეთი წლიურად.

სამწუხაროდ, ხირსის მონატრის გუჯრები არ შემონახულა, რის გამოც ძნელია უფრო სრული ნარკვევის შედგენა წარსული მოღვაწეობისა და იმ დანიშნულების შესახებ, რომელსაც ის ასრულებდა კახეთის სამეფოს ცხოვრებაში. დ.პ. ფურცელაძეს, რომელმაც შეისწავლა და გამოსცა ქართული სიგელ-გუჯრები, თავის ნაშრომში არ მოჰყავს არც ერთი გუჯარი. ჩანს, საქართველო-იმერეთის სინოდალური კანტორის მონასტრის ქონების გუჯრებში არაფერი მოიპოვებოდა ხირსის მონატრის შესახებ. მრავალი მათგანი უეჭველად დაიკარგა კახეთის არაერთგზის აოხრებისას, მაგრამ იმედს არ ვკარგავთ, რომ თავად-აზნაურთა ძველ ოჯახებში მოიძებნება ამ მონასტრის საბუთები და ბევრი რამ სადავო სავანის წარსული ბედის შესახებ გაცხადდება. ჩვენ არ ვამბობთ უიმედოდ – “ignorabimus”, რადგან ვიმედოვნებთ, რომ ამ მონასტრის წარსული ცხოვრება ახლო მომავალში გამოირკვევა, იგი დიდხანს არ დარჩება საუკუნოდ ამოუცნობ ამოცანად, ცხრაკლიტულში ჩაკეტილ წიგნად.



16. სამხრეთის კედელში მოთავსებული ქვა ჯვრის გამოსახულებითა და წარწერით: “ქრისტე, ადიდე კვირიკ მეფე”.

დანართი

აღწერა³²

სიღნაღის ეპარხიის ხირსის მონასტრისა, მღვთმარისა ამავე უეზდსა შინა

ხირსის მონასტერი მღებარეობს აღმოსავლეთის კერძო, ქისიყისა კიდეა. მონასტერი ესე არს არა მცირე, გუმბათოვანი, ქვითკირისა, სიმაღლით იმ-სა საუენისა, სიგრძით იდ-ისა და ნახევარისა საუენისა, სიგანით 8-ისა და ნახევრისა საუენისა. გრძელფამიერობისა გამო დაძველებული, უწინარეს 1200-ისა წლისა აღშენებული სახელსა ზედა წმიდისა პირველ მოწამისა და არხი დიაკონისა სტეფანესსა, რომელსა შინაცა ჩრდილოდ კერძო, წინა ტრაპეზისა მღებარეობს გვაში ღირსისა მამისა ჩუენისა სტეფანესი, რეც ვისაგან თორმეტთა მამათაგანისა, რომელნიცა მოსრულან ასირით საქართველოდ. ამას საფლავსა ზედა არს სამწირველო ღვთის შობლისა მიძინებისა. მონასტერსა ამას შინა არა რაჲ იყო მტრისაგან აღოხრებისაგან, რადგან მღებარეობს საშიშსა ადგილსა, რომელ დღესაცა არა შესაძლებელ არს მუნ ცხოვრება მათი მცირის კაცით. და ჰქონდა, რომელი დღესაცა აქვს დახიზვნითგან, რბილი ვერცხლის ბარძიმ-ფეშხუმი, კამარა და განსაზავებული სრულიად ხუთი თუმნისა და ხუთის რუბლისა თეთრის ფულისა. ქვემოთ ამისა რაიცა ითქმის და აღიწერება აწ მყოს არხიმანდრიტის ნიკიფორესაგან, რაოდენ შესაძლებელ არს რუსთა და ქართველთაგან შემწეობით ახლდება მონასტერი ესე და მიმდინარეობს აღყვავებასა და შვენიერებასა შინა და ღვთით დღითი დღე წარემატება, რომელსა ზედაცა მოადგა თავი გუმბათის ქვით, დაადგა ზომიერი ჯვარი, და განააზღა გარედამ კრამიტის დახურვით და გალესვით ორი წილი და დაშთომილი არს მესამედი, რომლისათვისცა დღითი დღე ზრუნავს და მეცადინეობს შესრულებასა. აქვს მონასტერსა ამას კანკელი ქვითკირისა და მუნნი ხატნი სრულებით ტილოსა ზედა დახატულნი, მოძკულნი წმიდის ნინას სობორისაგან. შუაზე საკიდი, რომლისა ვერცხლისა ასორმოცი მისხალი, ვერცხლის შამდანი ორმოცდათერთმეტი მისხალი, სარღვნელი და კოვზი ცხრა რუბლისა, სამღვდელო შესამოსელი ერთი ხელი, სრულებით მდაბალი ტრაპეზის შესამოსი და საფლავის ხალიჩა – ფუჩი ფარჩისა ზარიანი. საეკლესიო წიგნები ერთი ხელი სრულებით სტამბისა. თვით მონასტერი ესე გარეთ დაშთომილ არს, და ზედ მიდგმული აქვს დასავლეთი კერძო გალავანი ქვითკირისა

³²სკსსა, ფონდი №500, აღწ. 5, საქმე №2.



17.სამხრეთის კედელში მოთავსებული ჯვრის გამოსახულებიანი ქვა წარწერით: “ქ. ქრისტე, აღიდე მეფობა ლეონისი, ამინ უფალო.”

არა მცირე, უსრული და შიგ დატანებული კოშკი, სამრეკლოთ ყოფილი, დაბულებული და აწ არაღლა სახმარი. გალაგანსა მას შინა არს საწინამძღრო სახლი, ძირს ორი ოთახით და შუაზე ზალით, და ზევით ჩარდახი ყავრით დახურვილი ერთიანი, არ განყოფილი. აქავე მარანი ქვევრებით 12ის საპანისა, ორი კელია აღიზისა, სამზვარეულო, სახაბაზო და საჯინიბო აღიზისა, არა

დიდრონები. ზვარში ნავი ხისა და ქოცოები ერთის საპანისა. მსახურნი საეკლესიოთა ყმათაგანი ორნი შეცვლით და სხვანი ათს კაცამდინ მოსამსახურენი, ზოგნი ნათესაეთა მიერ მიცემულნი და ზოგნი ჯამაგირით იმყოფებიან, ვინადგან უმათოდ შიშისა გამო შეუძლებელ არს მუნ ცხოვრება მცირისა კაცითა.

იმავე ნიკიფორე არხიმანდრიტის უწყებასა ქვეშე არს ვაქირის სოფლის ეკლესია იოანე ნათლისმცემლისა შობისა, დიდი, უგუმბათოდ აღშენებული ძველთაგან, რომელსაცა იტყვიან ლეონ მეფისაგან, მექონი ყმისა და მამულისა. აქეს კანკელი ხისა შაბაქათ მოჭრილი და წამლით დახატული ხატნი სრულებით ტილოსა ზედა. დახატულნი ქართულისა მხატრობისა. ბარძიმ-ფეშხუმი ხუთის თუმნისა. საეკლესიო წიგნები: სახარება და მარხვანი, ჟამნი, დავითნი, ზადიკი – ახალნი, და ძველი: სამოციქულო და პარაკლიტონი, ყოველივე სტამბისა. და მოძკრო ზარებიცა. სამრეკლო ქვიტკირისა, არა დიდ, ქვეშ სადგომი აქეს მნათისა სამყოფელი.

არხიმანდრიტს ნიკიფორეს შემდგომ შემატებული ფეშხუმი ვერცხლისა ნდ მისხალი, კოვზი, კამარა – კბ, განსაზავებული – კბ, შუაზე დასაკიდებელი მავთულისა ასხმული ბროლის ზომლი, ტრაპეზის შესამოსი ფარჩა ზარიანი, ტრაპეზი(ს) ჯვარი ვერცხლისა ფინიკტი რუსულის ხელობისა, სამღვდელო შესამოსელი ერთი ხელი – საშუალო, ორი დაფარნა ფარჩისა, საეკლესიო წიგნები: სადღესასწაულო და მარხვანი, ახალი ჟამნი რუსული, დავითნი ახალი, [...] ვნებისა სახარება, ერთი დიდი რუსული ზარი.


აგვისტოს ჩყვე წელსა.

აღწერა³³

ხირსის მონასტრის არსებული ქონებისა,
შედგენილი 1907 წლის 28 ივლისს, ნაუცბათევად

1. ფილონი ნაირფერი 16 და სამი სამგლოვიარო, ერთი ძველი სამგლოვიარო, ექვემდებარება ამოღებას.
2. ოცდაერთი ნაირფერი სტიქარი.
3. შვიდი ნაირფერი სტიქარი სტიქაროსნებისათვის.
4. დიაკვნის სტიქარი სამი და ერთი შავი.
5. ოლარი ოცი.
6. სარტყელი ცხრამეტი, ნაირფერი, კიდევ რვა.

³³აღწერა შედგენილია რუსულად. სცსსა, ფ. №500, აღწ. 5. საქ. №264, ფ. 19, Описание Наличному имуществу Хирсского монастыря, составленная 1907 года 28 июля наскоро.



18. წარწერანი ჭა მონასტრის დასავლეთის კედელზე "ადიდვ ღმერთო, იმპერატორი ალექსანდრე პირველი და მხედრობანი მისნი, ამინ."



19. ვაქიძის წმ. იოანე ნათლისმცემლის მონასტერი.

7. ენქერი თერთმეტი.
8. საგვერდული ნაირფერი თერთმეტი და სამი სამგლოვიარო.
9. დიაკვნის გინგილა ნაირფერი შვიდი. კიდევ სამი, მათ შორის ორი სამგლოვიარო.
10. საბუხარი ნაირფერი ოცდაორი, ხოლო სამგლოვიარო ოთხი.
11. დაფარნა ცხრაშეტი წყვილი.
12. ორი დაფარნა ჯვრებიანი.
13. ანალოლიის საბურველი თექვსმეტი.
14. ტრაპეზის საბურველი თექვსმეტი.
15. ტრაპეზის შესამოსი სამი.
16. საკურთხევის კრეტსაბმელი ექვსი.
17. ორი ვერცხლის ხატი – ღვთისმშობლისა და ნათლისღებისა.
18. ხატი ღვთისმშობლისა ტრაპეზზე, სამკვეთლოზე – ბუდეში ჩასმული.
19. ვერცხლის ჯვარი.
20. ხის ჯვარი ვერცხლის ჩარჩოში.
21. ვერცხლის ბარძიმი, ფეშხუმი, კოვზი და ჩამჩა, პლუშიანი ვარსკვლავი.
22. ორი აპლიკის ჯვარი მინანქრის ხატებით.
23. ერთი ძველი მიტრა.
24. აპლიკის სანაწილე.
25. სამი სპილენძის შანდალი და მეოთხე აპლიკისა.
26. შვიდტოტა აპლიკისა.
27. ოთხი ანალოლია.
28. კვერთხი ლურჯი მანდილით.
29. ორი მაგიდა.
30. ვერცხლის სანაწილე ორიარუსიანი ხუთი გუმბათით, კუბოთი, ჯვარცმით.
31. ვერცხლის მოოქროვილი ფეშხუმი ვარსკვლავით.
32. ვერცხლის ფეშხუმი და ვარსკვლავი.
33. ვერცხლის კოვზი.
34. ვერცხლის მოოქროვილი სინი.
35. ვერცხლის მცირე სინი.
36. ზარდახშა.
37. დიდი ჯვარი ჯვარცმის გარეშე.
38. ვერცხლის მოოქროვილი ბარძიმი.
39. ვერცხლის სინი.
40. რუბოლოიანი ჯვარი მინანქრის ხატებით, შემოწირული მღვდ. გიორგი ჩუბინოვის მიერ.
41. ვერცხლის ტარმოტეხილი ციცხვი.
42. ვერცხლის კანდელები, კუთხეებში მინანქრიანი.
43. ვერცხლის თხელი ჯვარი, ძველი, ქართული წარწერით.

44. ვერცხლის გატეხილი შარავანდედი.
45. ქორკანდედი ოთხი შანდლითა და არწივით.
46. შანდლის ვერცხლის ნატეხი ერთი ძეწკვით.
47. არქიმანდრიტის გატეხილი ჯვარი გატეხილი ჯვარცმით, უძეწკვო.
48. ქართული სახარებები შემკული აპლიკით.
49. ქართული სახარება, მხედრულად, ვერცხლის ფაქიზი ნამუშევარი, შუაში ჯვრით.
50. ვერცხლის საცეცხლური.
51. მღვდელმონოზონ ეფრემის განცხადებით, ერთი ჯვარი არის მირზაანის ღვთისმშობლის ეკლესიაში მღვდელ ჯამასპოვთან მონასტრის კეთილმოწყისის თანხმობით.
52. ერთი სამგლოვიარო სრული შესამოსელი არის ხაშმის მღვდელმონოზონ ილარიონთან [...].
53. თოთხმეტი აბრეშუმის ნაირფერი ბაღდადი.

ცნობები ხირსის წმ. სტეფანეს მონასტრის ზოგიერთი წინამძღვრის ნამსახურობის შესახებ

არქიმანდრიტი გერონტი – 49 წლის, სწავლობდა ტიფლისის სასულიერო სემინარიაში სიტყვიერებას, მსოფლიოს ისტორიას, გეოგრაფიასა და არითმეტიკას, სასულიერო წოდებიდან. სწავლის შემდეგ განაწესეს გორის მაზრის სასულიერო სამრევლო სასწავლებლის I კლასის მასწავლებლად (1823 წ. 8.I). იმავე წლის 3 მაისს გადაიყვანეს II კლასის მასწავლებლად. 1830 წ. 3 თებერვალს გორის მიძინების ეკლესიაში ხელი დაასხეს მღვდლად. ამავე წელს, 1 მარტს, დაინიშნა გორის მაზრის სასულიერო სამრევლო სკოლების ინსპექტორად. 6 სექტემბერს – კეთილმოწყესედ. 1831 წ. 1 იანვრიდან ზემოთაღნიშნული სკოლების ზედამხედველია. 1836 წ. 5 სექტემბერს დაჯილდოვდა საგვერდულით. 1839 წ. 14 აგვისტოს დაინიშნა საეკლესიო ყმებისა და მამულების მმართველად. იმავე წლის 3 ოქტომბერს აღყვანილია დეკანოზის ხარისხში. გაწეული გულმოდგინე სამსახურისათვის უწყალობეს იისფერი ხავერდის სკუფია (1832წ. 14 აპრილი). 1842 წ. 16 მაისს – კამილაკა. 1845 წ. 21 აპრილს – სამკერდე ჯვარი. 1851 წ. 3 თებერვალს – წმ. ანას III ხარისხის ორდენი. ბერად აღიკვეცა 1852 წლის 28 აგვისტოს. 1852 წ. 30 აგვისტოს აღიყვანეს არქიმანდრიტის ხარისხში და დაინიშნა ხირსის მონასტრის წინამძღვრად. იმავე წლის 26 ივლისს დანიშნულია საქართველო-იმერეთის სინოდალური კანტორის წევრად.³⁴

³⁴ სცსსა. ფ. 500, აღ. 5, საქ. №174, ფურც. 1-4, არქიმანდრიტ გერონტის 1852 წლის ნამსახურობის სია. რუსულ ენაზე.

არქიმანდრიტი ნიკიფორე ჯორჯაძე (1816-1841) – ქართველი, თავადთაგანი, მონაზონებას სკოლასა შინა არა უსწავლია. იცის ქართული წიგნი, წერა. და რუსული წერა არ იცის. აქვს ბრონზის ჯვარი 1821სა წლისთვის. მონაზონობასა შინა აღკვეცილი არს ჩყ-ს წელსა სიღნაღის მიტროპოლიტის იოანეს მიერ წმიდის ნინას სობორსა შინა. მთავარ დიაკონად ხელდასხმულ არს ჩყ-ს წელსავე. იეროდონაზად ჩყვ, ამავე სობორსა მიტროპოლიტის იოანესაგანვე. არხიმანდრიტად ხელდასხმულ არს ანტონი კათალიკოზის მიერ ჩყვ და განწესებულ არს ღირსის სტეფან წმიდის მონასტერსა შინა. შობითგან მგ წლისა.³⁵

არქიმანდრიტი მაკარი – 40 წლის, სწვალობდა თბილისის სასულიერო სემინარიაში, სასულიერო წრიდან, ბერად აღიკვეცა 1850 წ. 20 აპრილს შუამთის მონასტერში. სემინარიის საშუალო განყოფილების დამთავრების შემდეგ ალავერდის ტაძრის მედავიტონე – 1845 წ. 8 მარტიდან. იქვე დაასხეს ხელი დიაკვნად – 1847 წ. 9 ოქტომბერი. განაწესეს შუამთის მონასტრის ძმობაში – 1849 წ. 5 მაისი. 1850წ. 31 იანვარს საქართველო-იმერეთის სინოდალური კანტორის გადაწყვეტილებით დაინიშნა საეკლესიო მამულების მმართველის თანაშემწედ. 1850 წ. 17 მაისს აკურთხეს მღვდელმონოზენად. იმავე წლის 2 დეკემბერს დაინიშნა თელავის მაზრისა და თუშ-ფშავ-ხევსურეთის ოლქის საეკლესიო მამულების მმართველად და დაევალა ალავერდის ტაძრის გამგებლობა. 1851 წ. 25 ოქტომბერს გულმოდგინე შრომისა და ალავერდის ტაძრის შემოსავლის გაზრდისათვის მოკრეფილი თანხიდან დააჯილდოვეს 30 ვერცხლის მანეთით. იმავე წლის 5 დეკემბერს დაევალა შუამთის მონასტრის დროებით მართვა და დაინიშნა იმავე მონასტრის შენობების სახედამხედველო კომიტეტის მთავარ წევრად. 1852 წ. 12 მარტს დაინიშნა ალავერდის სიძველეების აღმდგენელი კომიტეტის მთავარ წევრად. 1854წ. 9 დეკემბერს დაინიშნა შუამთის მონასტრის მოლარედ. 1855წ. 6 მაისს საქართველო-იმერეთის სინოდალური კანტორისაგან დაევალა აწყურის ტაძრის შემოსავლების შეკრება. 1852 წ. 20 იანვარს დაჯილდოვდა საგვერდულით, 1854 წ. 11 ივლისს ეწყალობა სამკერდე ჯვარი. უწმიდესი სინოდის 1857წ. 12 აპრილის №2217 გადაწყვეტილებით დაინიშნა ბოდბის წმ. ნინოს ტაძრის წინამძღვრად და აღყვანილ იქნა არქიმანდრიტის ხარისხში. 1858 წ. 24 მაისს დაინიშნა ხირსის სტეფანეს მონასტრის გამგებლად. იმავე წლის 30 მაისს განაწესეს საინგილოს ეკლესიების კეთილმოწყვედ. დღესასწაულებზე ალავერდის ტაძრის შემოსავლის შეკრებისათვის 1858 წ. გამოეცხადა მადლობა საქართველოს ეგზარქოსისაგან. 1858 წ. 30 ოქტომბერს ინგილოების ქრისტიანობაზე მოქცევისათვის

³⁵სცსსა, ფ. 500, აღწ. 5, საქ. №2.

გამოეცხადა უწმიდესი სინოდის ლოცვა-კურთხევა. 1853-1856 წლების ომის სამახსოვროდ მინიჭებული აქვს ბრინჯაოს ჯვარი.³⁶ დაინიშნეს სიღნაღში ახალი ტაძრის აღმშენებელი კომიტეტის წევრად.³⁷

არქიმანდრიტი სოფრონი – 55წლის, სწავლობდა ტიფლისის სასულიერო სემინარიაში, სასულიერო წოდებიდან. აღიკვეცა შუამთის მონასტერში. სემინარიის დამთავრების შემდეგ ხელი დაასხეს დიაკვნად, მღვდლად განაწესეს საბუის ღვთისმშობლის ეკლესიაში. 1843 წ. საკუთარი თხოვნით შაქრიანის ღვთისმშობლის ეკლესიაში გადაიყვანეს. 1852წ. 24 ოქტომბერს ავადმყოფობის გამო საკუთარი თხოვნით დაითხოვეს შტატიდან. 1859წ. 14 ოქტომბერს აღიკვეცა ბერად და დაინიშნა შუამთის მონასტრის მოლარედ. 1862წ. 11 მაისს ერთგული მსახურებისათვის დააჯილდოვეს საგვერდულით. 1863 წ. 13 აპრილს ეწყალობა სამკერდე ჯვარი. უწმიდესი სინოდის 1864წ. 26 ოქტომბრის №4927 ბრძანებით დადგენილია ხირსის მონასტრის წინამძღვრად და აღყვანილია არქიმანდრიტის ხარისხში. 1867წ. 14 მაისს ებოძა წმ. ანას III ხარისხის ორდენი.³⁸

არქიმანდრიტი გრიგოლი (ბერძენიშვილი) (1868-1869) – 60 წლის, სასულიერო წოდებიდან, შინ ისწავლა ქართული და რუსული წერა-კითხვა და გალობა. 1831წ. 13 ივნისს ღუშეთის ნიკოლოზის ტაძარში ხელი დაასხეს დიაკვნად. 1835წ. 26 იანვარს ნაზრანში, ინგუში მრაველისთვის (ოსეთის სასულიერო კომისიის გამგებლობა) ხელი დაასხეს მღვდლად. იმავე წლის 26 სექტემბერს გადაიყვანეს სტირდიგორსკის ოსურ სამრევლოში და უბოძეს კეთილმოწყესის (ბლალოჩინი) თანამდებობა. გადაიყვანეს არდონის ოსურ სამრევლოში თანამდებობის შენარჩუნებით 1837 წ. 20 მაისს. არაერთგზის გამოეცხადა სასულიერო მთავრობის მადლობა კეთილმოწყესის საქმიანობის სანიმუშოდ შესრულებისათვის, ეკლესიის მშენებლობის, მრევლის მიმართ ყურადღებიანი დამოკიდებულებისა და ოსთა მოქცევისათვის. 1837წ. ეწყალობა სკუფია, 1841 წ. – კამილაკა, 1847 წ. 26 აპრილს – სამკერდე ჯვარი. 1849 წ. 12 მარტს გადაიყვანეს ღუშეთის ნიკოლოზის ეკლესიაში და დაავალეს კეთილმოწყესის საქმეების შესრულება. 1850 წ. 11 სექტემბერს დაინიშნა ღუშეთის სამრევლო სკოლის საღმრთო სჯულის მასწავლებლად, განთავისუფლდა 1853 წ. 20 იანვარს. 1854 წ. 17

³⁶სცსსა, ფ. 500, აღ. 5, საქ. №174, ფურც. 19-22. ბოდბის წმ. ნინოს ტაძრის წინამძღვრის არქიმანდრიტ მაკარის ნამსახურობის ფორმულარული სია, 1858 წ. რუსულ ენაზე.

³⁷სცსსა, ფურც. 43. 1861 წლის ნამსახურობის სია, რუსულ ენაზე.

³⁸სცსსა, ფ. 500, აღწ. 5, საქ. №174, ფურც. 80-81, ხირსის წმ. პირველმოწამე და მთავარდიაკონ სტეფანეს წინამძღვრისა და ძმობის 1867 წლის ნამსახურობის სია, რუსულ ენაზე.

ივლისს უწმიდესი სინოდის №5873 ბრძანებით აღყვანილია დეკანოზის ხარისხში. 1857 წ. 21 აგვისტოს აღიკვეცა ბერად და განაწესეს შუამთის მონასტრის მოლარედ. 1853-1856 წლების ომის სამახსოვრო ბრინჯაოს ჯვარი ებოძა. 1859 წ. 21 აპრილს უწმიდესი სინოდის ბრძანებით ებოძა არქიმანდრიტობა და განაწესეს დავით გარეჯის უდაბნოს წინამძღვრად. 1862 წ. ეწყალობა წმ. ანას III ხარისხის ორდენი. 1868 წ. 8 იანვარს ეგზარქოს ევსევის შუამდგომლობითა და უწმიდესი სინოდის ბრძანებით დავით გარეჯის უდაბნოდან გადაიყვანეს ხირსის წმ. სტეფანეს მონასტრის წინამძღვრად.³⁹

ილუმენი ანტონი (1869-1870) – 65 წლის, ქართველ აზნაურთა გვარიდან, მაჭავარიანი. ქართულ და რუსულ ენებზე წერა-კითხვა უსწავლია სასულიერო სასწავლებელში. 1869 წელს მღვდელმონაზონია და ხირსის მონასტრის წინამძღვარი.⁴⁰ 1870 წ. 19 დეკემბერს ილუმენის ხარისხშია.⁴¹

არქიმანდრიტი კესარია ჩეკურაშვილი (1870-1877) – 46 წლის, დამთავრა ტიფლისის სასულიერო სემინარიის სრული კურსი, სასულიერო წოდებიდან. სემინარიის დამთავრების შემდეგ, 1849 წ. 4 დეკემბერს ხელი დაასხეს დიაკვნად. იმავე წლის 6 დეკემბერს ხელი დაასხეს მღვდლად აწყურის ილიას ეკლესიაში. დაინიშნა საბლალოჩინო ოლქის საერთო მოძღვრად 1857 წ. 27 აგვისტოს. 1859 წ. საკუთარი თხოვნით გადავიდა შაშიანის ღვთისმშობლის სამრევლოში. 1860 წ. 20 მაისს დააჯილდოვეს საგვერდულით. ხირსის მონასტრის სამძოში განაწესეს 1860 წ. 18 ივლისს. იმავე წლის 14 ოქტომბერს აღიკვეცა ბერად. 7 ნოემბრიდან არის მონასტრის მოლარე. საქართველოს ეგზარქოს ევსევის ბრძანებით 1860 წ. 23 დეკემბერს მონასტერში გულმოდგინე მოღვაწეობისათვის დააჯილდოვეს 25 ვერცხლის მანეთით. 1861 წ. 28 მარტს 1853-1856 წლების ომის სამახსოვრო ვლადიმერის ლენტეანი ჯვარი ეწყალობა. 1863 წ. 10 თებერვალს საკუთარი თხოვნით გადაიყვანეს ტიფლისის ფერისცვალების I ხარისხის მონასტერში. 1865 წ. 18 აგვისტოს განაწესეს მონასტრის მეკუჭნავედ. პატიოსნად მსახურებისა და 5 წლის განმავლობაში მონასტრის მოლარის მოვალეობის გულმოდგინედ შესრულებისათვის საქართველოს ეგზარქოს ევსევის ლოცვა-კურთხევა მიიღო. 1867 წ. 20 ნოემბრიდან განაწესეს ტიფლისის ფერისცვალების მონასტრის მოლარედ. დაინიშნა ფერისცვალების მონასტრის ფლიგელების აღმშენებელი კომისიის

³⁹სცსსა, ფ. 500, აღწ. 5, ფურც. 85-87, ხირსის წმ. სტეფანეს მონასტრის წინამძღვრისა და ძმობის 1868 წლის ნაშახურობის ფორმულარული სია, რუსულ ენაზე.

⁴⁰იქვე, ფურც. 93, ხირსის სტეფანეს მონასტრის წინამძღვრის 1869 წლის ნაშახურობის სია, რუსულ ენაზე.

⁴¹სცსსა, ფ. 500, აღწ. 5, საქ. №210, ფურც. 108.

მთავარ წევრად. 1868 წ. 18 ოქტომბერს ეგზარქოს ევსევის წარდგინებით, გულმოდგინე მსახურებისათვის, დაეკალა მონასტრის მართვა. 1869 წ. 4 მაისს უწმიდესი მმართველი სინოდის ბრძანებით ფერისცვალების მონასტრის კეთილად განგებისათვის დაჯილდოვდა 50 ვერცხლის მანეთით. 5 სექტემბერს დაეკისრა საკუროთხებლად გამზადებულ პირთა მოძღვრობა. 1870 წ. 23 აპრილს საქართველოს ეგზარქოს ევსევის ბრძანებით დაადგინეს ხირსის მონასტრის მმართველად, 1871 წ. 24 იანვარს – წინამძღვრად და აღყვანილია არქიმანდრიტის ხარისხში. ეგზარქოს ევსევის ბრძანებით მივლინებულია თავრიზში რუსეთის იმპერატორის გენერალურ საკონსულოში. 1871, 1872 და 1874 წლებში ეგზარქოსის ბრძანებით განაგებდა ბოდბის წმ. ნინოს ტაძარსაც. 1874 წ. 24 მაისს დაინიშნა ამ ტაძრისა და გალაენის შიგნით მღვბარე შენობების აღმდგენელი კომისიის მთავარ წევრად.⁴¹

არქიმანდრიტი იოსებ ჩახნაშვილი (1877-1882) – 63 წლის, სასულიერო წოდებიდან, სწავლობდა ტიფლისის სასულიერო სემინარიაში და დაამთავრა I თანრიგით. დიაკვნად ხელდასხმულია 1836 წ. 6 იანვარს. ანაგის მღვდლად ხელი დაასხეს 7 იანვარს. 1841 წ. 6 იანვარს გადაიყვანეს მირზაანის ეკლესიაში. 1846 წ. 6 ნოემბერს დააჯილდოვეს საგვერდულთ. 1853 წ. 19 ივლისს გადაიყვანეს ვეჯინის ეკლესიაში. 1856 წ. 21 მაისს საკუთარი სურვილისამებრ განაწესეს შუამოის მონასტრის სამძოში. 1859 წ. 13 მაისს აღიკვეცა ბერად. 1864 წლის 25 დეკემბერს განაწესეს იოანე ნათლისმცემლის უდაბნოს მოღარედ. 1864 წ. საკუთარი თხოვნით გადაიყვანეს აფხაზეთის ეპისკოპოსის სამსახურში. 1865წ. ეგზარქოს ევსევის ბრძანებით დაინიშნა ბზიფის ოლქის კეთილმოწყისის მოვალეობის შემსრულებლად. 1866 წ. აფხაზეთის ეპისკოპოს ალექსანდრეს წარდგინებით ეგზარქოსმა დაადგინა კეთილმოწყესედ. 1868 წ. 16 აპრილს დაჯილდოვდა სამკერდე ჯვრით. 1869 წ. 9 იანვარს დაინიშნა ბოდბის წმ. ნინოს ეკლესიის გამგებლად. 1871 წ. 2 მაისს აღყვანილია ილუმენის ხარისხში. 1873 წლის 6 მაისს საქართველოს ეგზარქოს ევსევის წარდგინებით აღყვანილია არქიმანდრიტის ხარისხში. 1874 წ. 13 მაისს ეგზარქოსის დავალებით მართავს ქვაბთახევის მონასტერს. 1876 წ. 20 აპრილს ეგზარქოს ევსევის წარდგინებით უწმიდესი სინოდის მიერ დაინიშნა ხირსის მონასტრის წინამძღვრად.⁴³

⁴¹სცსსა. ფ. 500, აღწ. 5, საქ. №244, ფურც. 35-38, ხირსის სტეფანეს მონასტრის წინამძღვრისა და ძმობის 1875 წ. ნამსახურობის სია, რუსულ ენაზე.

⁴³სცსსა. ფ. 500, აღ. 5, საქ. №174, ფურც. 76-77, ხირსის სტეფანეს მონასტრის წინამძღვრისა და ძმობის 1881 წლის ნამსახურობის ფორმულარული სია, რუსულ ენაზე.

შენიშვნები

I

გვ. 13 ბატონიშვილი ვახუშტი - (1696-1757), პოეტი, მთარგმნელი, ლექსიკოგრაფი, ისტორიკოსი, გეოგრაფოსი. 1724 წ. ვახტანგ VI-ს გააყვა რუსეთში, დასახლდა მოსკოვში. აქტიური მონაწილეობა მიიღო მოსკოვის უნივერსიტეტის დაარსებაში. მან შექმნა მნიშვნელოვანი ნაშრომი "აღწერა სამეფოსა საქართველოსა." იგი ეწეოდა მთარგმნელობით მოღვაწეობასაც. ვახუშტიმ მონაწილეობა მიიღო რუსულ-ქართული ლექსიკონის შედგენისა და მეცნიერული ტერმინოლოგიის დადგენის საქმეში. გარდაიცვალა მოსკოვში. დაკრძალულია დონის მონასტერში.

ზოროასტრიზმი - რელიგია, რომელიც ძველად გავრცელებული იყო შუა აზიაში, ირანში, ავღანეთში, აზერბაიჯანსა და ზოგ სხვა ქვეყნებში. მისთვის დამახასიათებელია ცეცხლთაყვანისმცემლობა. სახელწოდება მოდის ძვ. ირანული რელიგიის წინასწარმეტყველ ზარათუშტრადან (ბერძნ. ზოროასტრი), რომელსაც მიეწერება ზოროასტრიზმის შექმნა.

გვ. 14 ღირსი მამა იოანე ზედაზნელი - VI საუკუნის II ნახევარში მისი წინამძღოლობით საქართველოში ასურეთიდან მოვიდნენ ღირსი მამები: დავით გარეჯელი, სტეფანე ხირსელი, იოსებ ალავერდელი, ზენონ იყალთოელი, ანტონ მარტყოფელი, ისე წილკნელი, თადეოზ სტეფანწმინდელი, შიო მღვიმელი, ისიდორე სამთავნელი, აბიბოს ნეკრესელი, მიქაელ ულუმბოელი, პიროს ბრეთელი. წმ. იოანე დაესახ-ლა მცხეთის ახლოს ზედაზნის მთაზე, სადაც დაანგრია კერპთმსახურ-თა სამლოცველონი და ააშენა მონასტერი. თავისი ღვთივმთაგონებული ქადაგებითა და მადლიანი სწავლით მოიზიდა გარშემო მოსახლე ქრისტიანები. დაკრძალულია იქვე. მისი ხსენებაა 7 მაისს (ძვ. სტ.). ათსამეტ ასურელ მამათა ღვაწლით ჩაეყარა საფუძველი სამონასტრო ცხოვრებას საქართველოში.

წმ. პირველმოწამე მოციქული და მთავარდიაკონი სტეფანე - მოციქულთა მიერ დადგენილ 7 დიაკონთაგან ერთ-ერთი (საქ. ნ. 1-6). სულიწმიდით აღვსილი ქადაგებდა სახარებას, ახდენდა სასწაულებს. უკანასკნელი ქადაგებისას მისი სახე იყო გაბრწყინებული, ვითარცა ანგელოზისა. ამ ქადაგებისათვის იუდეველებმა ცილი დასწამეს ღვთის გმობაში და ჩააქვავეს (შობიდან 30 წლისა). აღსასრულის წინ წმ. სტეფანე თავისი მტრებისათვის ლოცულობდა. წმ. სტეფანე ქრისტიანთაგან პირველი ეწამა სარწმუნოებისათვის, რისთვისაც პირველმოწამე ეწოდა. მისი წმიდა გვამი დაფლეს იერუსალიმის მახლობლად. ხსენება 27 დეკემბერს (ძვ. სტ.).

კვირიკე I - კახეთის მთავარი (ქორიკოზი, 892-918), მისი მმართველობის დროს საქართველოს შემოესია აბუ ლ-კასიმი და დაიპყრო კახეთის ციხეები უჯარმა და ბოჭორმა. *კვირიკე I* დაუზავდა მას და დაიბრუნა უჯარმა. დაახლ. 915 წ. *კვირიკე I*-მა აფხაზთა მეფე კონსტანტინე III-სთან ერთად გაილაშქრა პერეთის წინააღმდეგ. მოკავშირეებმა დაიპყრეს და გაინაწილეს პერეთის პუნქტები არიში, გავაზი, ორჭობი. იხ. ქართლის ცხოვრება, ს. ყაუხჩიშვილის გამოც. ტ. 1, თბ., 1955.

ფარაონი შიშოკი - შიშონკ I, სუსაკიმ მეფე ეგვიპტისა (III მეთ. 14, 25), ეგვიპტის ფარაონი სოლომონის მეფობის ბოლო წლებსა და რობოამის მმართველობის დასაწყისში. გამეფდა ჩვ. წ. აღ. 950 წ. დაუდო სათავე ფარაონთა XXII დინასტიას. რობოამის მეფობისას შეიჭრა იერუსალიმში, აიღო იგი და გაძარცვა ტაძარი, სამეფო განძით გაამდიდრა საკუთარი სალარო (III მეთ. XIV, 26. II ნეშტთა, 12, 9).

გვ. 15 სამარია - ქანანის მიწის ცენტრალური ოლქი (III მეთ. XIII, 32).

პალესტინა - ისტორიული ოლქი წინა აზიაში. ძვ. წ. XI საუკუნეში პალესტინის ტერიტორიაზე შეიქმნა ისრაელ-იუდეველთა სამეფო.

პტოლემეოსი - II საუკუნის ძვ. ბერძენი მეცნიერი. შეიმუშავა ე.წ. გეოცენტრული სამყაროს სისტემა. მისი მნიშვნელოვანი ნაშრომია "გეოგრაფიის სახელმძღვანელო" 8 წიგნად, რომელშიც მაშინდელი გეოგრაფიული ცოდნა თავმოყრილი.

გვ. 16 წმ. იოანე მანგლელი-საკაძე, დაიბადა 1668 წ., ნათლობის სახელი იოსები უწოდებით, ყმაწვილი შემდგარა ბერად დავით გარეჯის უდაბნოში. სიწმიდისა და გონიერების გამო ბატონიშვილმა ბაქარმა მანგლისის კათედრაზე აკურთხებინა მღვდელმთავრად. ოსმალებისაგან მანგლისის კათედრის დანგრევის შემდეგ იოანე ხირსის მონასტერს აფარებს თავს. დამოძღვრა და მოაქცია მთიულეში. ჯვრითა და სახარებით იქადაგა კახეთში, საიდანაც მიაშურა დაღესტანს. მის მოციქულებრივ მოღვაწეობას ყურადღება მიაქციეს მეფე ვახტანგ VI-მ და რუსეთის იმპერატორმა პეტრე დიდმა, საჭირო ნივთიერი შეწევნაც აღმოუჩინეს. საკუთარი ხელით ააგო ჯვრ ხის, შემდეგ კი ქვის ეკლესია ღვთისმშობლის მიძინების სახელზე და წმ. ეკატერინეს ტაძარი. 1742 წ. მიაშურა ასტრახანს, სადაც ააგო იოანე ღვთისმეტყველის ეკლესია, რომელიც 1744 წ. რუსეთის მთავრობამ მონასტრად გადააკეთა და წინამძღვრად იოანეს მოწაფე ქართველი ბერი გერმანე დაადგინა. წმ. იოანემ ყიზლარში მოსახლე ქართველებს აუშენა ეკლესია და სკოლა გაუხსნა. როცა ოსეთში ქრისტიანობას უჭირდა, მან სიყვარულით უმწყემსმთავრა ოსებს. აღესრულა ყიზლარს 1751 წლის 28 მარტს, 85 წლის ასაკში. მისი

წმიდა კვამი თბილისის სიონის საკათედრო ტაძარში გადმოსვენეს, სადაც დღემდე განასვენებს. მისი ცხოვრება და სასწაულები აღწერა გაბრიელ მცირემ წიგნში “სტავროფორი.”

ანტონ II კათალიკოსი – ძე საქართველოს მეფისა ერეკლე II-ისა. დაიბადა 1762 წლის 8 იანვარს. ნათლობის სახელი იყო თეობერაზ. სწავლა-განათლება მიიღო ბიძის ანტონ I კათალიკოსისაგან. სწავლის დასამთავრებლად იყო საბერძნეთს. 1783 წ. აღიკვეცა ბერად. 1784 წ. დიაკვნად აკურთხეს. ამავე წელს გაემგზავრა რუსეთს, სადაც დიდი პატივით მიიღეს. იქ მას დაბალი ხარისხის სასულიერო პირის თანამდებობანი სჭერია. 1786 წ. ცარსკოე სელოს კარის ეკლესიაში, იმპერატორთა სახლობის დასწრებით, აკურთხეს ნინოწმიდის ეპისკოპოსად. 1789 წელს მეფე ერეკლეს მოწოდებით შინ დაბრუნდა. 36 წლისამ მიიღო ხარისხი საქართველოს კათალიკოსისა. ძლიერ ზრუნავდა ეკლესია-მონასტრებზე, ეკლესიისაგან დაწესებული რიგის მოუშლელობაზე. მის დროს დაუბრუნდა საქართველოს რუსეთში გატანილი სიწმიდე – წმ. ნინოს ჯვარი, რომელსაც ანტონ II მცხეთას შეეგება და იქიდან კათალიკოსისა და სამღვდელთა თანხლებით ხელით გადაიტანეს თბილისში. დიდი ღვაწლის გამო იმპერატორისაგან ებოძა ალექსანდრე ნეველის ორდენი, თეთრი ბარტყულა სერაფიმებით და ჯამაგირი 2300 მან. წელიწადში. 1811 წელს ანტონ II გაემგზავრა პეტერბურგს, სადაც იმპერატორმა ალექსანდრემ უბოძა წმ. ანდრია პირველწოდებულის ორდენი და წლიურად დაუნიშნა 54000 მან. დაინიშნა უწმიდესი სინოდის წევრად. გარდაიცვალა ნიჟნი ნოვგოროდში, “დიდად მოხუცებული, ჩყკბ (1822) წელსა, ივლისის იზ, დღესა კვირიაკესა, და ეამსა ოდენ შზისა დასვლისასა.”

კეკელი – მცირე სამწირველო (საბა).

კვ. 17 პროსკოპიდა – კვეთა, საღმრთო ლიტურგიის I ნაწილი.

სოღვა – კანკელის წინ მდებარე საფეხურებიანი ამაღლებული ნაწილი, საიდანაც წმ. ძღვენი განეყოფა მორწმუნეებს. სიმეონ თესალონიკელის თქმით, იგია ადგილი იპოდიაკონთა და წიგნისმკითხველთათვის.

კანკელი – ტიხარი, რომელიც ჰყოფს საკურთხეველს ტაძრის შუა ნაწილისაგან. მასზე მოთავსებულია ხატები.

კვ. 18 ფილადელიფოს კიკნაძე – მღვდელმონაზონი, დაიბადა 1794 წელს იმერეთში, აზნაურის ოჯახში; დედა – თინათინ აბაშიძე ყოფილა სენხია აბაშიძის ქალი. 1802 წლიდან არის დავით გარეჯის უდაბნოს ნათლისმცემლის მონასტერში. 1813 წ. იგი დაიმონაფა ხირსის არქიმანდრიტმა ნიკიფორემ. აღკვეცილა ბერად ხირსის მონასტერში. დიაკვნად ხელი დაასხა ბოდბელმა მიტროპოლიტმა იოანემ. საღვთისმეტყველო და საერო საგნებში განუსწავლია მღვდელმონაზონ იოსტოს ანდრონიკაშვილს. სამღვდლო ხელდასხმა

მიუღია 1822 წელს იოანე ბოდბელისაგან. 1826 წ. 4 ოქტომბერს გადასულა თბილისის ფერისცვალების მონასტერში. წერდა ლექსებს, მონაწილეობდა ს. დოდაშვილის "სალიტერატურო ნაწილნი ტფილისის უწყებათანის" გამოცემაში, იყო აქტიური მონაწილე 1832 წლის შეთქმულებისა. შეთქმულების გამჟღავნების შემდეგ დააპატიმრეს. გარდაიცვალა 1833 წ. დარიას მონასტერში.

იოსელიანი პლატონ კვინატეს ძე – (1809-1875), ქართველი ისტორიკოსი. 1835 წ. დაამთავრა პეტერბურგის სასულიერო აკადემია ღვთისმეტყველების კანდიდატის ხარისხით. 1845-1856 წ. იყო "ზაკავ-კაზსკი ვესტნიკის" რედაქტორი. 1849 წ. იმოგზაურა ათონის მთაზე და შეისწავლა ქართული კულტურის ძეგლები. იყო ასენის ისტორიული საზოგადოების ნამდვილი წევრი. თანამშრომლობდა რუსეთის მეცნიერებათა აკადემიასთან. ავტორია ქართველოლოგიური პრობლემატიკისადმი მიძღვნილი მრავალი ნაშრომისა. გამოსცა ძვ. ქართული ლიტერატურის ძეგლები. მის კალამს ეკუთვნის "პირველ-დაწყებითი კანონნი ქართულისა ღრამატიკისა" (1840). "ცხოვრება მეფისა გიორგი მეათცამეტისა," "Краткая история грузинской церкви" და სხვ...

გვ. ზარქოსი იონა – ვასილევსკი, საქართველოს საეკლესიო განაგებდა 1821-1832 წლებში. 1828 წლიდან მიტროპოლიტია.

კახეთის მეფე ლეონი – (1518/20-1574), გიორგი II-ის (ავგიორგის) ძე. 1518 წ. კახეთის მეფე. 50-60-იან წლებში შეეცადა რუსეთისაგან დახმარების მიღებას. 1563 წ. გაგზავნა ელჩები მოსკოვში ივანე IV-სთან. რის შემდეგაც კახეთში რუსეთის რაზმი შემოვიდა. მის დროს კახეთში შემოსევები არ ყოფილა. ქვეყანა ეკონომიკურად მოძლიერდა.

გვ. 19 არქიმანდრიტი ლეონიდე – ლონგინოზ სოლომონის ძე ოქროპირიძე, დაიბადა 1861 წ. 15.II. თბილისის სასულიერო სასწავლებლის დამთავრების შემდეგ სწავლობდა თბილისის სასულიერო სემინარიაში, შემდეგ – სტავროპოლის სასულიერო სემინარიაში. 1884 წ. სწავლა გააგრძელა კიევის სასულიერო აკადემიაში. 1887 წლის 19 ივნისს აღიკვეცა ბერად. იმავე წელს ხელი დაასხეს დიაკვნად, 1888 წელს – მღვდლად. ღვთისმეტყველების კანდიდატი. მოღვაწეობდა საინჟინოში, ფშავე-ხევსურეთში, მთიულეთსა და ოსეთში. ეწეოდა მისიონერულ მოღვაწეობას. 1892 წ. დაადგინეს ზედაზნის მონასტრის ილუმენად. 1893 წ. ხირსის მონასტრის არქიმანდრიტია. იყო საქართველოს ეპარქიის კეთილმოწყვედ, საქართველო-იმერეთის სინოდალური კანტორის წევრი, ქართული ბიბლიის ტექსტის გამსწორებელი კომიტეტის თავმჯდომარე. 1898წ. აკურთხეს გორის ეპისკოპოსად. 1900 წლიდან იმერეთის ეპისკოპოსია. 1908 წლიდან გურია-სამეგრელოს მმართველია. დიდად იღვანა საქართველოს ეკლესიის ავტოკეფალიის აღსადგენად. 1917წ. 12 აგვისტოდან თბილისის მიტროპოლიტია. 1919 წლის 23 თებერვლიდან

1921 წლის II ივნისამდე – სრულიად საქართველოს კათოლიკოს-პატრიარქი. დაკრძალულია თბილისის სიონის საკათედრო ტაძარში.

გვ. 21 ხეთები – მსოფლიოს ერთ-ერთი უძველესი ცივილიზაციის შექმნელი ხალხი, რომლებიც ცხოვრობენ ძვ. წ. II ათასწლეულში მცირე აზიის (ანატოლიის) ცენტრალურ ნაწილში (თანამედროვე თურქეთის ტერიტორიაზე). ხეთების სამეფო ჩამოყალიბდა და საუკუნეების მანძილზე იარსება ქართველურ ტომთა უძველესი განსახლების მეზობლად.

II

გვ. 21 იუბენელია I – ბოღბის წმ. ნინოს დედათა მონასტრის წინამძღვარი, ილუმენია, აზნაურთაგანი. მორჩილება მიუღია 1865 წ. ბოღბის წმ. ნინოს მონასტრის მუდმივ მორჩილებაში განაწესეს 1876 წ. 22 ნოემბრიდან. მონოზენად აღიკვეცა 1880 წ. 12 აპრილს. ბოღბის წმ. ნინოს მონასტრის წინამძღვრად დაადგინეს 1884 წ. 12 მარტს. ილუმენიად სანქტ-პეტერბურგში აკურთხა მოსკოვის მიტროპოლიტმა იოანიკემ.⁴⁴

სანაწილე – მცირე ზომის ოქროს ან ვერცხლის ყუთი, რომელშიც ინახება წმ. ძღვენი – ქრისტეს სისხლი და ხორცი, განკუთვნილი უძღურთა ზიარებისათვის.

ბარძიმი – ფერკიანი მაღალი სასმელი (საბა). წმიდა ჭურჭელი, რომლიდანაც მართლმადიდებელი ქრისტიანები ეზიარებიან ქრისტეს წმიდა სისხლსა და ხორცს.

ფეშხუმი – თეფში, ლანკანი, რომელზეც ლიტურგიის დროს ათავსებენ წმ. კრავსა და სეფისკვერებიდან ამოღებულ ნაწილებს. წირვისას იგი განასახიერებს ქებასა და ბაგას, სადაც იშვა მაცხოვარი, ხან კი საფლავს, სადაც დაიდვა წმ. გვამი ქრისტესი.

გვ. 22 კამარა – ვარსკვლავი, პწკალი. გამოიყენება იმისთვის, რომ დაფარნა არ შეეხოს ფეშხუმზე დაბრძანებულ ნაწილებს.

კოვზი – მარწუხი, წმ. ჭურჭელი, იხმარება მორწმუნეთა ზიარებისას. განასახიერებს მარწუხს, რომლითაც ანგელოზმა გაუარვარებული ნაკვერჩხალი შეახო წინასწარმეტყველ ისაიას ბაგებს.

ტაკუკი – სარღვნელი, მომცრო საღვინე ჭურჭელი, იხმარება ბარძიმში მღულარების ჩასაშვებად.

გვ. 25 ამბიონი – საქადაგო, საფსალმუნე (საბა). ამღლებული ადგილი სამეუფო კარის წინ, საიდანაც მღვდელი ქადაგებით მიმართავს მრევლს. არის სახე ლოდისა, რომელიც ანგელოზმა გადააგორა მაცხოვრის საფლავიდან და მენელსაცხებლუ დედებს ახარა აღდგომა ქრისტესი.

⁴⁴სცსსა. ფ. 500, აღ. I, საქ. №38.

გვ. 27 გარდა ეპისკოპოს კირიონის მიერ დასახელებული პირებისა, ხირსის მონასტრის წინამძღვრებად ჩანან:

არქიმანდრიტი გერონტი (დაინიშნა 1852 წ. 30.VIII),

არქიმანდრიტი დიონისე (1855-1856წწ.),

არქიმანდრიტი მოსე (1856-1858 წწ.),

არქიმანდრიტი მაკარი (დაინიშნა 1858 წ. 24.V),

არქიმანდრიტი სოფრონი (დაინიშნა 1864 წ. 28.X),

არქიმანდრიტი გრიგოლი (1868-1869 წწ.), ბერძენიშვილი,

ილუმენი ანტონი (1869-1870წწ.),

ილუმენი დიმიტრი (წინამძღვრად ჩანს 1912-1914 წლებში).⁴⁵

ევზარქოსი ვესევი – ილინსკი, საქართველოს საევზარქოსოს განაგებდა 1858-1877 წლებში.

გვ. 28 სეინაქსარი – კრებული, რომელშიც შედიოდა წმინდანების მარტვილობა. – ცხოვრებათა მოკლე რედაქციები.

გვ. 31 ფურცელაძე დიმიტრი პეტრეს ძე (1825, 19.V. 1891), ქართველი ისტორიკოსი. 1849 წ. დაამთავრა კიევის სასულიერო აკადემია. მასწავლებლობდა თბილისის სასულიერო სასწავლებელში, შემდეგ – სემინარიაში. 1854 წლიდან სახელმწიფო სამსახურში იყო, ეკავა სხვადასხვა თანამდებობა. იყო კავკასიის საცენზურო კომიტეტის თავმჯდომარე. იყო საქართველოში საგლეხო რეფორმის ერთ-ერთი პირველი მკვლევარი. რუსულ ენაზე თარგმნა და გამოსცა ქართული ისტორიული საბუთები. იკვლევდა ქართული სამართლის ისტორიის საკითხებს. დაკრძალულია ქართველ მწერალთა და საზოგადო მოღვაწეთა დიდუბის პანთეონში.

ignorabimus – ლათ. არ გვეცოდინება.

⁴⁵ ცნობები მათ შესახებ დაცულია სცსსა, ფ. №500, აღწ. 5.

ს ა რ ჩ ე ვ ი

ეპისკოპოსი კირიონი და მისი ნაშრომი "ღირსი სტეფანე და მის მიერ დაარსებული ხირსის მონასტერი." ღუკანოზი მიქაელ ჭაბაშვილი.....	3
ეპისკოპოსი კირიონი, ღირსი სტეფანე და მის მიერ დაარსებული ხირსის მონასტერი.....	13
დანართი.....	32
შენიშვნები.....	42

რედაქტორი: ა. სტურუა.
ტექნიკური რედაქტორი: ნ. დარბაიძე
კორექტორი: რ. ხოფერია.
ფოტოები ვ. თარაღაშვილისა.

დაიბეჭდა და აიკინდა შპს „ჯალი“-ს სტამბაში.



ეპისკოპოსი პირიონი



ღიბსი სფუტანუ და მის მიერ
დაარსებული ღიბსის მონასტერი